

HOBANENG

MOTSANA BETHLEHEMA

 Ho monate ho fihla mona hoseng hona. 'Me joale kea kholoa re tla fumana sefela seikhethang, Moena Williams o na nts'a mpolella, ka motho ea tsoang kerekeng ea hae. [Khaitseli o bina, *Tlatsa Mohope Oa Ka, Morena*—Mohl.] Ke morero oa rōna hoseng hona mona, ke ho phahamisa mehope ea rōna, "E tlatse, Morena." Ke khetlo le le leng feela mohla re ka kōpang sena. Ka mohla o mong re tla fihla mose oane re ke ke ra fumana monyetla oo. Re sa ntse re o fumane, re le mohopolong oa rōna o pholileng, ke hopola e 'ngoe ea lintho tse kelello tseo motho a ka li etsang mehleng eo Molimo o re neileng monyetla ho sebetsa, ke ho etsa hoo, ho tlatsa mehope ea rōna joale ka lerato la Oona le mohauhelo.

² E mong ea kileng a lula le rōna khale koana, ha se khale haholo, le hona, o fetile. 'Me re hlomohile haholo lipelōng tsa rōna nqa Moena Williams. Ke Moena Williams, mopresidente oa khaolo ea rōna mona, ntatae. Lilemo tsa ntatao li ne li le kae, Moena Williams? Mashome a robeli le metso e robeli. E ka ba lilemo tse leshome le metso e robeli, kea kholoa, ka nqane ho—ho...che, e ka ba, yaa, lilemo tse leshome le metso e robeli ka nqane ho lilemo tsa pallo. Monna oa senatla. Ha se khale haholo, mohla a lutseng kōpanong, ke 'moleletse, ha ke nyatse Moena Williams, ke itse, "Ù shebeha u le mocha ho feta mora oa hao, Carl." Hoo ho re supa re le teng mona kajeno 'me hosasa ha re eo mona. Ha re tsebe mohla nako eo e tla fihla, mohla e tla fihla, empa rea tseba e tla fihla. Ke ne ke nahanne, empa bophelo ke ntho e khōlō, ke, bophelo ke monyetla.

³ Re sa tsoa hlaheloa ke koluoa e khōlō, ea e mong ea tsamaileng kereke ea rōna nako e telele, ho tsoa Chicago, o hlokahetse tsatsi le leng a tla hae, e le 'mè. A batla a atametse, kea kholoa mashome a supileng, 'me eēna le mohatsa'e ba khanna ba nyoloha ka Kansas, Missouri, e 'ngoe, hara sefefo sa lehloa. Monna a ntse a qhoba, koli ea tsoa taolong, a robeha molala ka ho panya ha leihlo. 'Me ha re tsebe feela mohla e tla fihla. Eitse ha ke...ba ntsetsitse ba ntlalehela eona ka ntano letsetsa bana bohole sechaba ka bophara, ho ba behela eona. Ehlide, ka ho ba molisa oa bona, joalo, e le 'na ea tlamehang ho ba tsebisa. Ho nahana potlako eo re ka tlohang ka eona, ka pel'a mono ho behiloe lebokose leo a mphileng lona la k'hendi nakong ea veke e fetileng, a mphile lona. Ho bona potlako eo re ka tingoang ka eona. Empa, holane hoo, holane litšepo tsa rōna li tsetlehiloe bophelong bona feela, e ka ba re batho ba malimabe. Jobo o

buile, khaolong ea 14, "Oh, hola Ua mpata lebitleng ua mpoloka nqalang e sephiring."

⁴ Na le lemohile tlhaho kamoo e pakang Molimo? Re fumana lifate, mahlaku a foforeha lifateng, bophelo ba sefate bo ntano theohela mobung, joaloka lebitla, bo ipoloka mono khalefo ea mariha e be e fete, bo ntano khutla hape, bo hlahisa bophelo bo bocha. Ke bopaki ba hobane re phela hape. Letsatsi le chaba hoseng, ke leseanyana feela, le a fokola; hamorao ke nako ena ea ho kena sekolo, sekolo se phahameng; motšeħare o moholo le matlafetse; thapama le qala le fetohela nqa e 'ngoe; mantsiboea le fokola hape le a shoa. Empa, ha se qetello ea letsatsi, le chaba hape tsatsi le hlahlamang ho pakela moloko o mong, ka bophelo bo leng teng, lefu, kepelo, le tsoho.

⁵ Esita le tlhaho e bua ka Eèna hohle. 'Me ka mokhoa o itseng tlhaho ke paki e khôlô, ho thoe, re ke ke ra ruoa Bophelo bona ba tsoho haeba bo sa sebetse morero oa Molimo. Joale, peō ha e jaloa, 'me peō eo e a phelisoa, e hlahisa palesa e ncha, haeba e sa sebetse morero oa Molimo. Koana, ha e tsosoe ke hobane e le palesa, ka hobane e sebeletsa morero oa Molimo. Lebaka leo letsatsi le chabang ka lona, hobane le sebetsa morero oa Molimo. 'Me re tsoha ka hobane re sebetsa morero oa Molimo.

⁶ Kea lumela Moena Williams o sebelitse morero oa Molimo bophelong, ntate oa makhonthe. 'Me ke bona molekane oa hae ea ratehang, Mof. Williams, ea lutseng mona. Monna oa sebele, ke o mong oa merero ea Molimo. Ntate, o mong oa merero ea Molimo. 'Me eaba o phelisoa nqa Molimo, ke Moea o Halalelang, morero oa Molimo oa sehlooho. Ka baka leo, ho bolela Moena Williams a ke ke a tsoha le ho boela a ba le rôna, re tla tlameha hore lero ha le—ha le theohele fatše, ke ho re letsatsi ha le chabe. Ntho e 'ngoe le e 'ngoe e bua ka tscho ea hae hape, ho boela a e ba le rôna, ntho e 'ngoe le e 'ngoe. Pele, letsatsi, lipalesa, le tlhaho, bophelo ba limela, ntho e 'ngoe le e 'ngoe e bua ka eona. Hape Lentsoe la Molimo le a 'muellla. 'Me, ka thoko ho mono, tumelo e pelöng ea rôna e futha e re re tla boela re 'mona. Molimo a phomotse moea oa hae. Mokhoeng oa ho saluta ea kileng a hlola le rôna, ha re emeng ka maoto a rôna nakoana feela.

⁷ Ntate oa Leholimô, ha re eso leke ho phutheha ka tjena ho bonoa feela kapa ho utluoa. E sa le re tlie khafetsa, ho ahisa Mora oa Hao, Jesu Kreste, le ho pakela bao ba se nang Eèna, ba tle ba Mo fumane. Rôna, lipelô tsa rôna li imetsoe nqa ba siiloeng ke ho tsamaea ha moena oa rôna, ea kileng a lula le rôna nakoana e fetileng, a kile a lula khafetsa khaolong eona ena. Empa re lumela U mo lumelitse ho phela bophelo bo bottle, bo tletseng, 'me moea oa hae o na le Uena kajeno. Mo phomotse, Oho Molimo, ho fihlela re 'mona hape ka letsatsi lela. Hlohonolofatsa mora oa hae mona, bana ba hae ba bang, mohatsae ea ratehang, le bao ba mo ratileng, 'me bao ke rôna bohole, Ntate. 'Me re lemosoe taba

ena, le rōna re a tetema 'me re tšoanelā ho falla tsatsi le leng, re ke re itlhophisetse hora e khōlō eo ke hona. 'Me ba bang ba sa itlhophisetsang tema ena ha ba le teng mona hoseng hona, lena e be letsatsi leo ba tlāng ho re "e" ho Morena Jesu, 'me le bona ba phelisoe nqa ho Eēna ka Moea o Halalelang. Hoba re e kōpa ka Lebitso la Jesu. Amen. Lulang fatše.

⁸ Joale, re batla ho etsa e—e litsebiso tse 'maloa. Mohatsa ka ea lutseng motšeо koana hoseng hona, ke 'moleletse, ka re, "Ratu, ke tla ba sieo borakefeseng . . ." Re ne re tlameha ho theohela toropong ho etsa linthoana. 'Me ka re, "Ke tla be ke tsoile ka hora ea leshome." A ncheba. Ka re, "Haeba ke eso tsoe ka hora ea leshome, ke tla u rekela mese e meraro e mecha ea khetho ea hao." Ka hona ke—ke tseba se tlāng ho etsahala, ke kolota mese e merarō hona joale, hobane hona joale ke mashome a mabeli pele ho leshome. Empa ke tla leka ho potlaka ka bokhoni ba ka.

⁹ Re thabetse ho fihla koano Jeriko le lōna baena hoseng hona, 'me re a le mema, bosiu ba Mantaha, ho la Jerusalema, koana Tucson, selallong sa lijo tlase mono. Ua bona, Phoenix e phuleng, joaloka Jeriko. Tucson, moo ke ahileng teng, e thabeng, eo—eo ke Jerusalema. U ho kae, Tony? Hore'ng motho a sa re "amen" ka mona. Mona, joale ke tšoasehile lerabeng, ebile Tony ha a fihla. Be, hosane, kapa Mantaha bosiu, ke selallo sa lijo koana—koana Tucson, 'me ruri re ka thabela boteng ba lōna koo, ho re khalo le ho re bona. Sehloho sa ka sa bosiung boo, ha Morena a ratile, ke, *Re Bone Naleli Ea Hae Bochabela 'Me Re Ttile Ho Mo Khumamela.*

¹⁰ 'Me ka la leshome le metso e robong khoeling ena, kapa khoeli e latēlang, ke rialo, la leshome le metso e robong la—la Pherekhong, ke qala tsoselsetso mona, hantle ka phaposing ena, Ramada Inn mona, la leshome le metso e robong, la mashome a mabeli, le la mashome a mabeli a motso o mong. Hape le la mashome a mabeli a metso e 'meli, kea kholoa, ho qala . . . la mashome a mabeli a metso e merarō, ke na le masiu a mane mona, a tsoselsetso. Bongata ba lōna baena ba bareri mona, re hlile re thabetse ho ba le lōna hoseng hona, 'me re le mema ho tla le batho ba lōna. Haholo bao, ba, le ba tsebang motseng mona 'me ba sa tsebe Jesu e le Mopholosi oa bona. 'Me hape, labobel, ba kulang 'me—'me ba lumela Molimo o arabela thapelo, re ikemiselitse ho rapella bakuli mehleng eo pejana ho Seboka sa Machaba se khōlō se tla tšoaroa mona ho qala ka la mashome a mabeli a metso e 'meli. 'Me ke tiile hore le batla ho utloa hoo, hobane ho tla fihla libui tse ngata tse tsoileng ka mahetla, 'me ke tiile le tla thabisoa ke eona.

¹¹ Joale, hoseng hona, ke ile ka hopola ho bua le khaolo ena, e sa le Phoenix e lutse pelōng ea ka. Ke rata Phoenix. Ke phetse mona ke sa le moshanyana, ka ntle mona Wickenburg holimō feela. 'Me ke lula tlase mona Sixteenth le Henshaw. Mohlang oo e le lehoatata. Empa ke e bona e le karolo ea metse e matahaneng

'moho, 'me, be, ehlile e setsing sa motse. Hoo ho supa phetoho ea nako, ho fetoha. Empa ke batla ho bua ka ntho e le 'ngoe hoseng hona, ke eo Eo ea sa fetoheng, eo ke Molimo. Molimo, lenaneong la Oona, Lentsoeng la Oona, ha Le fetohe le ka mohla. Nako e a fetoha, batho ba fetoha, litsamaiso li a fetoha. Empa Molimo ha o fetoha le ka mohla, O lula a tšoana le mehla.

¹² 'Me ka nahana, e re ka ha re tobane le nako ea Keresemose, re ka... mohlomong nka bua ka—ka molaetsa oa Keresemose. 'Me joale haeba le tšoere Libibele tsa lōna, 'me le rata ho bala, ka linako tse ling batho ba rata joalo, ho sala 'moleli kapa sebui, ke batla ho bala Evangeling ea Santa Mattheu, khaolo ea 2, karoloana ea Lentsoe.

*Jesu eitse ha a tsoaletsoe Bethlehema oa Judea
mehleng ea morena Heroda, bonang, banna ba bohlale
ba bochabela ba fihla Jerusalema,*

*Ba re, O kae ea tsoetsoeng eo Morena oa Bajuda?
hobane re bone naleli ea hae bochabela, 'me re tlie ho
mo khumamela.*

*Ea re ha morena Heroda...utloa, a tšoha, le ba
Jerusalema bohle ba tšoha le eèna.*

*Hobane a bokelle baprista ba baholo kaofela le bona
bangoli ba sechaba, a botsa...moo e ka khonang Kreste
a tsoalloe teng.*

*...ba 'molella ba re, Ke Bethlehema oa Judea: hobane
ho ngoliloe joalo ke baporofeta,*

*Le uena Bethlehema, fatše la Juda, ha u monyenyan
har'a metse e meholo ea Juda: etsoe ho tla tsoa ho uena
Motsamaisi, ea tla lisa sechaba sa ka sa Iseraele.*

¹³ Morena a eketse mahlohonolo a Hae palong ea Lentsoe la Hae. 'Me joale ka linoutšu tse 'maloa mona, le Mangolo a 'maloa ho lebisa teng, ke batla maikutlo a lōna a sa arohanang nakoana holim'a sehloho sa: *Hobaneng Motsana Bethlehema*.

¹⁴ Ua tseba, ka Keresemose, kea kholoa rōna bohle, bongata bo boholo ba rōna, nke ke ka re rōna kaofela, empa bongata ba rōna re lahla boleng ba 'nête ba seo Keresemose e leng sona. Ha ke sheba ka nté mona, esita le lifate tsa palema li khabisitsoe; 'me Bochabela ka mehla ke sefate sa feiga, kapa sa meremetala. 'Me likhoeli, kapa liveke, ke rialo, mohlomong khoeli kapa liveke tse tšeletseng pele Keresemose e qala, ka mehla ke mahali-hali le—le ntho e khōlō... Ba e fetotse papatso sebakeng sa seo e se bolelang ka 'nête.

¹⁵ Ha ke lumele Kreste a tsoetsoe ka la mashome a mabeli a metso e mehlano Tšitoe. Ha ke—ke e lumele ho hang. Ho ka ba thata hore lintho li be joalo. Maralla a Judea letse lehloa ho feta, khele, lehloa le letse ho fihla lethekeng mono ka khoeli ea—ea Tšitoe, holimō Judea. Empa rea elelloa ha re ithuta histori,

Kreste a ka tšoha a tsoetsoe ka sehla sa selemo, ho ella 'Mesa kapa Motšeanong, kae-kae mono. Empa mohla e ne e fetoloa, sena, ba e kentse, mohla Bokreste bo nong bo sokolleloa ho Boroma, ba ile ba qapa letsatsi la tsoalo ea molimo-letsatsi, e leng mohla la mashome a mabeli a metso e mehlano, ho qala ka la mashome a mabeli le motso o le mong ho isa ho la mashome a mabeli le metso e mehlano la Tšitoe, letsatsi le a likela, ntho e joalo, ho batla ho se phethoho ho hang. 'Me e ne e le letsatsi la tsoalo ea molimo-letsatsi, eaba ba le le fetolela ho Mora oa Molimo.

¹⁶ Empa, le hopole, e ka bang letsatsi lefe, le joale ha re hlakole ho khethheha ha seo le tlamehang ho ba sona. Moo Satane a re khotholitseng eona, ho futsoela papatso ea tonana, 'me Santa Klause o khotholitse ho rapela hohle. 'Me e fetotsoe letsatsi le kang e—e Paseka, ntho e kang mebutla le matata a pinki. 'Me —'me hoo ho amana kae le Paseka? Taba eo e amana kae le tsoho ea Kreste?

¹⁷ Le lefatše kajeno le a itšoanelia, bao, bana ba seterata ba ka u bolella haholo ka Davey Crockett ho feta ka Jesu Kreste. Ba ka u bolella haholo ka kabeloa-mang ea itseng, kapa ka senokoane sa mehleng e fetileng, ho feta ka Khosana ea Bophelo e—e tsoetsoeng lilemo tse batlileng ho ba makholo a leshome le metso e robong tse fetileng. Empa taba eo ha e tlose ntho ea mannete ho rōna Bakreste.

¹⁸ Ua bona, ka mehla leseli le k'hatšima ho feta lefifing. Lehalima le litseenene hara maru a matšo lipakapakeng bosiu, ho supa hobane leseli le ka hlaħa lefifing. 'Me leseli ha le chabile, ha u bone... Haeba letsatsi le chabile, ha u hloke maseli hakaalo. Empa ha ho fifetse, leseli le le nyenyane, le ee le chabe ho fetisa lefifing. Ha ho fifetse, ho molemo ho feta, le ipontša hantle ho feta. 'Me hoo bonyane ho batla ho... Rōna Bakreste re tlamehile re be re pakela khanya ea Molimo ka ho re nea Mora oa Oona. Keresemose ena e tlameha ho fetoha ntho e tsaileng ka mahetla. Rōna Bakreste rea tlameha... Ho sa tsotelehe tšobotsi ea eona, e tla e phatsima ka ho fetisa. Lefatše loħle le tšoere mahali-hali. Re tšoere Kreste, e leng sona seo re tlamehang ho se khantša horeng e lefifi ena eo re phelang ho eona joale.

¹⁹ Re nahana kamoo Molimo o sebetsang lintho ka ho se tloaelehe ka mehla, kahobane O sa tloaeleha ka sebele sa Oona. Molimo ha o a tloaeleha. O—O Mohlolo, Mohlokaphello, nqa ho rōna ba nang le pheletso. Ka hona, soħle seo O se etsang, ka chebeho ea sona, ha se a tloaeleha. 'Me Molimo o phahame hakana—hakana, ho fiħela O thonaka linthoana tse sa lemohuoeng tsa lefatše ho Itsebisa ka eona.

²⁰ Re lemoha mona seħloohong sa ka, sa *Hobaneng Motsana Bethlehema*, e nyenyane har'a Judea eohle, har'a likhosana tsoħle tsa metse e meng ea Judea, hobaneng Molimo o khethile

ho romela Mora oa Oona nqalang eo? Re batla ho qoqa ka taba eo. Molimo o thonakang lintho tsa lefatše, kea kholoa Lengolo le rialo, “Ka bohlanya ba therò, ho khahlile Molimo ho inkela lintho tse nyatsehang.” Seo re se holisang, Molimo o se bitsa bohlanya. Seo re se tlotsang hakana, Molimo o se—se—se bitsa se sa lōkang. ’Me seo re se hopolang se sa lōka, Molimo o a se tlotsisa.

²¹ Mohopolo o ileng oa fihla feela pejana ho tsoalo ea Morena oa rōna, mohla baporofeta bohole, le ba joalo, ba buileka pulamaliboho e tla latèla, “lithaba tsohle li tla kokobetsoa le libaka tse tlase li phahamisoe, le ka lithaba tse tlang ho thala joaloka liphelu tse ncha, le mahlaku a ope liatla.” ’Me e ne e le e—e moreri, moporofeta ea bitsoang Johanne, ea tsoileng nahathote, a sa tsoe sekolong sa thutamolimo, a le makhisa hohle sefahlehong, ka sekotoana sa letlalo la nku, a sa apara liaparo tsa tšebeletso ea boreri, o tsoile ’me a tumisa, “”Muso oa Molimo o haufi!”” ’Me batho ha ba utloisia ho tla latèla ntho e joalo, a sa tšoara boitsebiso ba tsamaiso efe—efe feela, ntho efe e leng setho sa eona, setlankana sa bolekane bofe, kapa tsamaiso ea bolumeli bo mo tšeheatsang. E—e Molaetsa o no o phahamile haholo, a ke a nka motho, Molimo o mo kentse sekolo nahathote. Molaetsa oa hae o sa itšetleha ka lipolelo tsa—tsa thutabomolimo ea mofuta. O buile ka linoha le lilepe le lifate, ’me e le tsona tseo a li tloaetseng, tlhaho, ho sheba tšebetso ea eona. ’Me o e atametse ka—ka tsela eo. E seng joaloka setho sa tšebeletso ea bolisa, empa joalo ka—ka monna oa tlhaho.

²² ’Me batho ba batla ba sa mo utloisia. A se na le sefala, mohlomong a sa amoheloe ho sefe, feela a rera mabopong a Jordane, koana a eme botebo ba seretse se mo khaolang mangole. Empa batho ba ne ba tsoa ho utloa, bao ba pelō e tšepehang. Ba batlike ho utloa hobane e le ntho e fapaneng, e teetsoe hare ke ’Nete.

²³ Kajeno re tlameha re be re le tabeng ena, ho atamela ha tsoalo ea Kreste, Molaetsa oa rōna, o tlameha ho teeloa hare ke ’Nete e tlang ho etsa hore batho ba nyoreloe ho fumana Eèna.

²⁴ Molimo o nkile monna ea sa tsebisahaleng eo, a se na thuto, a sa kena sekolo le letsatsi le leng, ’me koana ha thoe ke e moholo har’ a baporofeta ba kileng ba phela, hobane Molimo o Itsebisa ka lintho tse nyatsehang.

²⁵ Mohla Jesu a thonyang barutuo ba Hae, ho bile joalo. Banna ba bangata ba be ba ka tšoaneloa ke mosebetsi oo ho feta barutuo bao, e ne e le maloko a tšebeletso ea bolisa, ha A bitsa le a mong. Ho be ho le banna ba tšebeletso ea bolisa mehleng eo, banna ba baholo, baprista, banna ba thuto, banna ba mabitso, feela ha A ba bitsa. O nkile batšoasi ba lihlapi le balekhetho, le ba joalo, ho—ho romela Molaetsa oa Oona kantle. O etsa joalo ka mehla.

²⁶ Matsatsing a Nohe, O khethile sehoai, sehoai se tlase feela, ho tumisa tšenyeho ea mongoaha oo. Sehoai se tlase feela, e seng leloko la tšebeletso ea bolisa, sehoai feela! Matsatsing a Nohe, O nkile e—e . . . Le ntšoarele.

²⁷ Matsatsing a Moshe, O nkile lekhoba la 'malehi, e se leloko la tšebeletso ea bolisa. 'Me Oa mo ntšetsa ka ntle ho fihlela A khotsofetse, motšeo ho lehoatata, a lahleheloa ke thuto ea hae, ho ipontša eëna sehlahleng se tukileng, oa mo roma ho theoha a tšoere molamu o khutlahaneng letsohong la hae, ho hapa sechaba seo se neng se . . . seo A mo lelekileng ho sona.

²⁸ Ua bona, Molimo o nka lintho tse nyatsehang ho Itsebisa ka tsona. Ua bona, ho nka la Oona, Ke Lentsoe la Oona feela. O entse lefatše ka lintho tse—tse etsang . . . tse sa kang tsa bonahala.

²⁹ Matsatsi 'maloa a fetileng ke ne ke etetse Morris Auditorium, le leng la matšoholo a rōna a maholohali New York, 'me ka utloa phatakanyo ea Einstein a bua ka senkhome sena sa linaleli, ho itsoe li qosa lilemo tsa—tsa leseli tse limilione tse lekholo le mashome a mahlano, ho li finyella, le lilemo tsa leseli tse limilione tse lekholo le mashome a mahlano ho khutla. 'Me hape, ho nahana feela, lilemo tsa leseli tse limilione tse lekholo le mashome a mahlano, mono ke lilemo tsa leseli tse limilione tse makholo a mararo. 'Me mohla u khutletseng mona, u ne u tla be u tsamaile lilemo tse mashome a mahlano. Nahana, khele, hore na leseli le tsamaea ka lebelo le le kakang, limaele tse likete tse lekholo mashome a robeli a metso e tšeletseng ka motsotsotso, 'me ha u nahana ebe u ka nka libilione tse kae le litrilione tsa lilemo ho ea koo le ho khutla. 'Me ke lekholo le mashome a mabeli . . . lilemo tsa leseli tse limilione tse makholo a mararo. 'Me ke ho ea ho senkhome sa linaleli tseo Molimo o li bulutseng matsohong a Oona feela, 'me O entse di-aeone tsa nako ea leseli ka nqane ho mono, le ka ntle mane ho sheba holim'a tsona.

³⁰ Eaba Morashia enoa o bolela a nyolohile limaele tse lekholo le mashome a mahlano, limaele tse makholo a mabeli, holimō sebakeng, 'me a sa bona Molimo oa letho kapa Mangeloi. Motho e ka ba lesaoana ha kae? Le ho nahana ka libilione le litrilione tseo tsohle tsa lilemo; 'me ke bohole ba lilemo tse mashome a mahlano feela ho tloha mona, o ne a entse'ng, o phunyelelitse Bosafeleng.

³¹ Ho thoe moastronono enoa ea sa tsoa nyoloha, o ne a nyolohile lihora tse kana, a tsamaea tse kana, a pota lefatše makhetlo a leshome le metso e supileng, e ka bang eng, ba boletse ho sa ka ha . . . e ne e se le motsotsaana bophelong ba hae. O ne a tsamaea 'moho le nako. Ka hona, ua bona, u phunyeletsa Bosafeleng. Ke bona boholo ba Molimo boo.

³² Ke tšita likelellong tsa rōna ho lekanya boholo ba Oona. 'Me koana ha O itokisetsa ho Itšenola, O e nyenyeftsa hakana, ho e phethisa o nka lintho tse nyatsehang, ho nyatseha ha eona.

³³ Davida, o bonahetse e le—e le...bara bohle ba Jese ba supileng, o hlahisitsoe ho moporofeta la ho qetela. Khele, esita le ba habo ba ka be ba tšehele, ha ba hopola Davida ea mokhubetsoana, mothoana ea lekokoto, monna ea mokhubetsoana e ka ba monna ea ka behoang khosi ea Iseraele. Ekaba o ne a sa tšoanele morena ho batho bao, empa ehlile ho Molimo o tšoanetse a be a bo loketse, hoba bao ba... O mo tlotselitse morena, leha ho le joalo. Ua bona, O nkile lelapa le nyatsehang la Davida, kapa lelapa la Jese, ho—ho hlahisa marena. Se beng se lahlue ke lefatše, sona...a khutlisoa, a khutlisoa ho ea aloosa manku. A hlahisa mora oa hae—oa hae oa letsibolo, monna oa senatla oa maemo, koana a ka ema a tsepame ka chebeho ea morena oa Iseraele, e le eèna eo ba mo hopotseng a ka tšoaneloa ke moqhaka hlohong ea hae, e le eèna ea beng...ea ka aparang e—e seaparo sa borena 'me a ka tšoara lere, kapa sefe se tšoanelang ho etssetsoa morena. A—a shebeha hantle mahlong a batho.

³⁴ Empa moporofeta, ea tšoereng oli ea tlolo letsohong la hae, o itse, "Na ha le na e mong?" Eaba o a ba hlahisa, ka bonngoe ka bonngoe, ho fihlela qetellong a itse, "Ha le sa na e mong hape na?"

³⁵ A re, "Ke sa na le e mong, empa ha ke mo hopole e ka ba letho. Ke mothaka ea batlang a omeletse, re mo laetse ho aloosa linku ka ntle koana."

³⁶ A re, "Tlohang le mo late." 'Me hang mahlo a moporofeta ea tlotsitsoeng ha a oela holim'a hae, a mo tšela ka oli ea tlolo hlohong—hlohong ea hae, a titima a mo khahlanyetsa. Ha thoe, "Enoa o khethiloe ke Molimo." Ua bona? Ua bona, ka mehla ha se mahali-hali, a lefatše. Ke khetho ea Molimo.

³⁷ 'Me O re khetha ka mohau, re lebohela hoo haholo hoseng hona. 'Me ha e hloke phatsimiso ea linthohali tseo tsa lefatše. Ea ikokobelitseng ka ho fetisa e ka ba mosebeletsi oa Kreste, ho hlokoaa motho ea ikemiselitseng.

³⁸ Molimo o mo tlotsitse, ua bona, e hloka lintho tse nyenyane. Joale, hobaneng A khethile motsana Bethlehema? Ea ka linqalo tse kholoanyane li ka ba teng tseo Khosi, e leng Khosi e khõlõ ea likhosi e beng e ka tsoalloa teng.

³⁹ Ka tloaelo ha re hlophisa tema mona holim'a lefatše, re leka ho e hlophisetsa holimō-limō, ntho e phatsimang ho fetisa ea monahano oa rōna, re isa linqalong tse khõlõhali re sebelisa chelate e ngatahali, le lintho tse khabileng ho fetisa. Re e sebetsa joalo.

⁴⁰ Empa Molimo ha o e sebetse joalo. O nka ntho eo e seng letho, hore A tle a Ipontše matlahali, hore A ka khona... Holane A thontse moprista e moholo kapa monna ea koetlisitsoeng hamonate, litšiung tseo A bitsang baapostola, holane A khetha ba joalo litulong tsa batšoasi ba sa balang, a sa ruteha a sa

khone le ho ngola lebitso la hae, ba ka be ba itse, "Oh, hoo, ua bona, thuto ea hao e a lefa." Empa Molimo o nkile monna ea sa khoneng ho ngola lebitso la hae, A tle a nke ntho eo A ka e kenyang letsohong la Hae, ntho eo A ka e fetolang se seng, ho supa hobane Ke Molimo. Re fihla moo re itemohang re se letho, le ho kena matsohong a Molimo, 'me A ka u bopella le ho u bopa ka thato ea Hae. Empa haeba re ikutloa re le bohlokoaa, ha u ke u tsoa tema le ka mohla. Ha u khone ho kena matsohong a Molimo pele re lemoha hobane ha re bohlokoaa.

⁴¹ Morali e mong oa ka o mpotsitse tsatsi le leng ka bohlokoaa. Ka re... Be, haeba ho boleloa monna ea bohlokoaa. Be, e le mabapi le Mopresidente ea sa tsoa fenethoa, 'me lipelō tsa rōna li hlonyme ke hona. 'Me ka re, "Be, e ne e le monna oa bohlokoaa." Lipampiri li ne li e jalile, le thelebishesene e katthalitse setšoantšo sa eona, e qositse 'muso libilione le libione tsa didolara ho e hasa. Etsoe, hoo ho itoketse, ke tšoanelo ea bona eo. Empa ka re... Morerinyana enoa oa Pentekosta holimō mono Carolina, monna o kene, letahoaa le tšoereng sethunya, le batla mosali oa lona eaba le thunya monna hantle sefaleng, eaba le thunya mosali oa lona, la ntano ithunya, e le sekotoana se se *kaalo* ka morao ho pampiri. E re ke u bolelle, moena, ho sa tsotelehe ho re mang, "U batla ho tseba bohlokoaa ba hao," ke boleletse ngoanana oa ka, "sunya monoana oa hao nkhong ea metsi u ntano o hula, u leke ho fumana lesoba leo." Ha re letho. Ea bohlokoaa o Mong feela, ke Molimo. Re tšoanelo ho hopola, ke Eèna Eo.

⁴² Ea ka holane ba batlile joalo... motho esale a hlophisetsa Khosi nqalo ea ho tsoalaoa, ho ka fihleloa linqalo tse khôloanyane tsa borapeli tse fupileng nalane bakeng sa Khosi ho feta motsana ona Bethlehema. Linqalo, ho tea mohlala, e tšoanang le Shilo. Shilo areka e thakhisitsoe la ho qala moo, rea tseba, ha re tšela moo... ho tšela Jordane ho tla mose o koano ho la Palestina, areka e thakhisitsoe khetlo la eona la pele ho rapela teng. Kapa Gilgale; Sione, Sione ke nqalo e khôlō; Gilgale, le eona.

⁴³ Kapa motse oa moreneng o moholo o ikakasang, oa Jerusalema, lihloho tsohle tsa mekhatlo li phuthehela teng, lintlukhôlō tsa bona, ho bonahetse ba tla hlophisa nqalo holimō mono Jerusalema ea Khosi e khôlō ho tsoalloa ho eona, haeba ba batlile nqalo, nqalo e mommeng nalane kapa nqalo e khabane e tsoileng ka mahetla. Lintlukhôlō tsa borapeli li fumanoa teng, tsa borapeli ba bona moo Khosi a tlileng teng. A tlie ho emela borapeli ba bona. 'Me A... 'me hoba A etse, sebakeng sa bona ho Mo hlophisetsa nqalo Jerusalema kapa se seng sa litša tse khôlō tsa nalane, O hlahetse Bethlehema, e leng motsana har'a metse eohle. "Na ha u monyenyanne har'a likhosana tsohle tsa Judea? Empa ho uena ho tla tsoa e—e Motsamaisi ea tla busa sechaba Ka." 'Me Jerusalema e moholo enoa oa moikakasi le metse e meng e meholo ea nyemotsoa.

⁴⁴ Kapa ho ka thoe ba tla khetha litša tsa setšabelo, nqalo e khōlō e kang Hebrone, Kadeshe, kapa Ramothe-gileade, o mong oa metse e meholo eo ea setšabelo, hobane E ne e tla ba Setšabelo sa rōna. Hola re ka leka ho hlophisa kelellong ea rōna, re ka be re thontse, ha re re, “Be, joale, efèla ha Khosi e khōlō ena e tla fihla, e tla ba Setšabelo sa rōna, e ka khona A tsoalloe ho o mong oa metsehali ena ea sehopotso ea setšabelo, o kang Ramothe-Gileade, kapa Kadeshe, kapa o mong har'a eona.” Re be re tla leka ho e hlophisa joalo likellong tsa rōna.

⁴⁵ Empa, ua bona, Molimo o sebelisa litsela lisele ho etsa lintho. O tseba ho phethisa lintho ka tšoanelo. ’Me joale ka mohopolo oa Molimo le thuso ea Molimo, re tla leka ho bolela lebaka la ketsahalo ena, hoba tsohle li sebetsa hantle lenaneong le leholo la Molimo. ’Me ke batla lōna batho ba mona Phoenix, le mathokong, ho—ho—ho leka ho tšoara Sena. Ho hopola seo, Molimo o tseba seo O se etsang. Ua bona? ’Me O sebelisa mecha e nyatsehang ho e phethisa. Hobane, hobane ekare ha O phethisa taba efe ka mechahali e tsoileng ka mahetla, ka hona . . . Molimo le ka mohla ha o sebetse lintho joalo, ha O eso e etse joalo nalaneng eohle ea Bibele. Molimo ha o eso e sebelise le ka mohla, ha eso etsahale mehleng efe, oa thonya sehlopha sa batho ho phethisa ntho efe ka sona. Molimo o thonya batho ka bomong. U eèna, uena, u motho a le mong. ’Me Molimo ha o fetole lenaneo la Oona le ka mohla. Hobane, lenaneo la Oona la pele, O tlameha ho tiisetra lenaneo leo le mehla.

⁴⁶ Matsatsing a Nohe, O thontse monna a le mong, Nohe. Matsatsing ao O holotseng Iseraele, O thontse monna a le mong, e ne e le Moshe. Rea tseba Dathane le ba bangata ba lekile ho nahana, be, bao “boholo ba bona bo a lekana” le joalo. Le tseba se ba hlahetseng. Matsatsing a ho tla ha Morena, matsatsing a Johanne Mokolobetsi, le ho e fapaneng, O tšoara motho a le mong eo O sebetsang ka eèna. ’Me O sebetsana le rōna kajeno ka bomong, e seng ka sehlopha. Motho a le mong! E tla itšetleha ka uena le ka ’na, mokhoa oo re emang pel'a Molimo. Hobane, O sebetsana le uena le ’na ka bomong, e seng ka sehlopha seo re leng ho sona, hape e seng ka kereke ea bolumeli boo re ikamahanyang le bona, empa joaloka ’na le uena le ka bomong.

⁴⁷ Joale, Joshua, mohla a arolang naha, setšana sena o se balletse Juda. Bongata ba lōna, ke—ke tšoailie litulo tsa eona mona, empa bohole re lemoha taba eo, moo e lutseng holimō sekutlong. ’Me ba balletsoe tuloana feela, Joshua, mohla a arolang lefatše, o le file morabe oa Juda.

⁴⁸ ’Me joale mohla Iseraele e ne e tšela noka ea Jordane, joale lekang ho tšoara sena, mohla Iseraele a na a tšeelala lefatšeng, lefatše la pallo, re tseba mosali oa Balichaba e leng seotsoa Rahaba. ’Me o kōpile ho hauheloa, ’me a hauheloa, o hauhetsoe ha feela a lutse tlas'a khole e khubelu eo. ’Me a ka hauheloa joalo feela. E ne e le pontšo, letšoao le filoeng eèna.

⁴⁹ Re na le Letšoao kajeno, hape, 'me re bolokehile feela ha re lula tlas'a khole ea rōna e sekarelata, Mali a Jesu Kreste. Ka bomong, e seng seholpha, ka bomong, e mong le e mong o tlameha ho lula tlas'a khole e sekarelata ea Mali a Jesu Kreste.

⁵⁰ 'Me eaba Rahaba enoa, hoba a baballoe, a kenya ba habo bohole, sohle se tlas'a khole sa—sa bolokeha. Ho a tšoana le Molimo mohlang oo Egepeta, mohla bohole ba tlas'a mali ba bolokehang. Tsohle tse tlas'a khole e sekarelata li bolokehile. Tsohle tse tlas'a Mali a Jesu li bolokehile, tsohle tse seng tlas'a Ona li lahlehile li loketse tšenyeho. 'Me joale rea fumana, ka ho etsa sena... Re utloisisa ka nalane a ferehane le mogenerale ea itseng, hona joale ha ke tsebe lebitso la hae, sesoleng sa Iseraele. 'Me ho feleng a nyaloa ke monna enoa. 'Me ba aha tulong ena, haufi le tuloana ena, 'me mora oa hae, Salmone ke eèna ea theileng Bethlehema. Ua bona, e hokantsoe le Molichaba le ho qala feela, Molichaba, Rahaba oa sehlola.

⁵¹ Joale, re fihlela Salmone a theile motsana ona oa Bethlehema. 'Me a tsoaloa Boase. 'Me Boase ke eèna ea nyetseng Ruthe, Molichaba e mong. 'Me joale re sala lesika lena morao. Ruthe, a fumana, e ne e le Momoabe, a nyaloa ke Boase, 'me o kene motsaneng ona sehleng sa harese. Oh, hola ra fumana nako hoseng hona, ho fihlela, holim'a taba eo, nka ba molato oa mese e tšeletseng ho mohatsa ka, ha morao. Empa kamoo ho ka tiisetsoang seholho seo!

⁵² Naomi, ea bapisang kereke ea molao, o ngalisitsoe ke tlala, a ea jaka lefatšeng la Moabe; joaloka Iseraele e qhalanang, hohle har'a lichaba. 'Me mohla a khutlileng, a khutla le Ruthe, Momoabe, 'me o khutlile hantle ka sehla sa harese feela, hantle feela ha ho phuthoa harese ea pele. Eo ke Kereke ea Molichaba e tlang ho Molimo ka sehla sa harese feela hape. Papiso e khabane hakae mona. 'Me eèna le Boase ba chata, 'me mora oa bona ea tsebjoang, Obede, o emoletsoe mono, a ba a tsoalloa teng. 'Me eaba mora enoa oa hae, setloholo se seholo, Jese, o tsoile ho Obede. Mono a boela a tsoala Davida, mora oa hae, mono ha tsoa khosi Davida.

⁵³ Shebang sena se nyolohang joale. Ho qala ho seotsoa Rahaba, mora oa hae, ea e theileng. Ho tsoa mono ho tlide—ho tlide Boase, taba e kentseng Molichaba e mong. 'Me ho Boase ho tsoile Jese. 'Me mona Jese, ho Jese ho tsoetsoe Davida. 'Me Davida, hantle hona Bethlehema e monyenyane enoa, o tlotsitsoe ke moporofeta oa Molimo, ho beoa khosi ea Iseraele. Lintho tsena tsohle tsa moea li patetsoe mahlo a lefatše, esale li etsahala mona motsaneng oa Bethlehema. Ua bona, Molimo o sebetsa ka tsela eo.

⁵⁴ Joale, ke tšepa Moea o Halalelang o tla fihla joale ho le nea kutloisiso e lòkileng, ho thoe Molimo ha o sebetse linthong tse khòlöhali tsena. Ke ka Moea. "Ha se ka matla, ha se cheseho,

empa ka Moea oa Ka,” ho bolela Morena. Ua bona? Molimo o sebetsa har’ a batho ka Moea. Ua bona, metheo e meholo ena, O ne a ka tla motseng ona feela. A ka tsoalloa feela tulong ena. Molimo o sala mocha oa Oona o tšoanang morao. Molimo o sebetsa joalo ka mehla. Molimo o sala e—e mocha oa Lentsoe la Oona morao. O ke ke oa furalla Lentsoe la Oona, le ho leka, ’me oa lula e le Molimo. O tlameha ho tiisetsa Lentsoe. O ke ke oa tlohela Seo. Kajeno, meetlo ea rōna le lintho tse joalo li re tlosa Lentsoeng. Re bolokile litumeloana le lintho tseo re li sotetsang Lentsoeng, taba e silafatsang ntho eohle. Empa Molimo o ke ke oa tlohela mocha oa Lentsoe la Oona. Lentsoe la Oona le lōkile, ka mehla, hobane Ke Lentsoe. Molimo le Lentsoe la Oona ba a tšoana.

⁵⁵ Joale, mona re bona tšobotsi ea motsana Bethlehema enoa, koana ha a lemoihuoe, tuloana feela e sa lemoihueng ke lefatše le ka ntle, motsana har’ a metse, ho se motho ea o tsotellang. Empa koana Molimo morerong oa Oona hore ho tle ho . . . ke hona moo lintho tsena tsohle li neng li tla phethisoa teng. Joale, kelello ea moea e tla e qhautsa, hobane mona moporofeta o boletse, ua bona, moporofeta o itse, “Uena Bethlehema oa Judea, na ha u monyenyané ho mahosana ohle? Empa ho uena ho tla tsoa Motsamaisi ea tla busa batho ba Ka ba Iseraele.” Moporofeta, mohopolo oa moporofeta o ile oa qhautsa.

⁵⁶ Shebang lintho tseo tsa moea, Moea o Halalelang kajeno o tsamaisa lintho tseo. Ha ho tsotelehe seo lefatše le phatsimo eohle ea lona le se bolelang. Le shebe Moea o Halalelang Lentsoeng, e finyella hona teng.

⁵⁷ Ho ka thoeng ka mohla Jobo a shoeleng ’me a thontse nqalo ea kepel? Eaba ho fihla Abrahama, Abrahama a reka setša sa mobu ho pata mohatsae, Sara. ’Me Abrahama, mohla a shoang, o batlile ho patoa le Sara. Abrahama a tsoala Isaaka. Isaaka, mohla a shoang, o batlile ho patoa le Abrahama. Isaaka a tsoala Jakobo. Jakobo a shoa, tlase koana Egepeta, empa o hlapantsitse Josefa (mora oa hae oa moporofeta) ka eèna, a behile letsoho la hae holim’ a noka ea hae e qhiletsang, ha thoe a se mo pate tlase Egepeta. Hobaneng? Ha thoe, “Nkise lefatšeng lela le ho patoa teng.” ’Me Josefa, mohla a shoelang tlase Egepeta, o buile ka ho falla, le ka Iseraele e tsoang ho latela boporofeta, empa ho itsoe, “Nkang masapo a ka le a ntše naheng ena.” Hobaneng? Ba tsebile lithakangoaha tsa tsoho li tla tsoa lefatšeng leo, ka ha Jobo a boletse, “Kea tseba Molopolli oa ka o a phela, ’me matsatsing a ho qetela O tla ema holim’ a lefatše; ’me leha liboko tsa letlalo li ka senya ’mele ona, ke tla bona Molimo ka nama ea ka.”

⁵⁸ Ba tsebile lithakangoaha tsa tsoho li tsoa lefatšeng la pallo, e sang Egepeta. E ne e le batho ba moea, e ne e le baporofeta. ’Me Jesu mohla a shoeleng, ka—ka Labohlano le Molemo, le ho boela a tsoha hoseng ha Paseka, hoseng ha Sontaha se hlahlamang, Bibele e boletse ha thoe, “Bahalaleli ba bangata ba robetseng leroleng la lefatše, ba tsohile ba tsoa mabitleng, ba kena motseng,

ba ea le Eèna Khanyeng.” Hobaneng? Baporofeta bao ba tsebile hantle hore ba patoe nqa efe, sebakeng sefe le nakong efe. E ne e pateloe mahlo a ba masene. Empa ba tsebile seo—seo, ba ne ba shebile lehlakore la Moea. Lithakangoaha tsa—tsa tsaho li ne li tla tsoa Palestina, e seng Egepeta.

⁵⁹ Ho joalo kajeno, metsoalle. Batho ba bangata ba itšoarella ka lintho tsa lefatše, kapa tsamaiso e itseng ea tonana kapa ho hong. Mpate ka ho Jesu, hoba ba leng ho Kreste Molimo o tla ba hlahisa le Oona tshong eo. ’Me ha ke tsotelle seo lefatše le se buang, ba leka ho phatsimisa lintho ha kae. Ke ka ho Kreste, ba leng ho Kreste Molimo o tla ba hlahisa le Oona. Kelello ea moea e qhautsa lintho tseo tsa moea.

⁶⁰ Mona moporofeta o boletse, “Bethlehema motsana, na ha u monyenyan har’alikhosana tsohle tsa Juda? Empa ho uena ho tla tsoa Motsamaisi enoa,” ha se ho motse o moholo oa boreneng o iphafang, e seng litšeng tse itseng tsa nalane ea kereke e itseng kapa ho hong, habo Methodise, Baptise, Presbeteriene, Pentekosta, kapa hofe ho qalileng. “Empa nthoaneng e nyenyane ho tsena, tuloaneng e sa khabang Ke tla ntša tulo ena, Molaoli oa Ka oa batho.”

⁶¹ Empa kajeno re batla ho re, “Bontata rōna ba entse *sena*, le bontata rōna ba entse *sane*.” Ua bona, Molimo o nyemotsa efe ea lintho tseo. Molimo o etsa ka ho rata ha Oona. Le behe mocha oa Moea leihlo, le shebe mokhoa oo e—e Lengolo le baloang kateng. Ba ile ba nyemotsa hoo. Empa, ua bona, Lengolo ke lona le lōkileng. Ka mehla, Molimo o lōkile.

⁶² Davida a tlotsoa ke moporofeta enoa oa senatla, ho beoa khosi. Ntle le pelaelo Samuele, moporofeta enoa oa senatla, o tsebile lintho tsena pele ho nako. ’Me ke hona moo peō e khōlō ena ea moea ea tšepiso...hoba Molimo o anne ka kano, ha thoe O tla tsosa Kreste ho lula teroneng ea Davida. Ebe ke kae moo Kreste a beng a ka tsoalloa teng? Ntate oa Hae ke enoa o a tsoaloa, ntate oa Hae moholo, ntata-ntate oa Hae moholo, moholo-holo-holo-holo-morao koana. Ua bona, ho kenngoa lesika la batho ba Oona ba Balichaba. ’Me joale Bibele e boletse, “Balichaba ba tla tšepa Lebitso la Hae.”

⁶³ Ua bona, e tlameha ho kenngoa eohle le tle le e bone. Re batla ho lika-liko mono nakoana le ho lula ho eona, le ho le bontša lebaka la hobaneng Balichaba, ’me empa ke khotšoe mohopolo oa moea o tla e qhautsa hona joale; hobane, ke bomme, ’me ha se ntate. Joale, ehlile e—e ne e le mosali, Monyaluo. Molichaba o tla boptjoa, Monyaluo, o tla boptjoa ka Balichaba. Molichaba, “O tla khetha batho ba Lichaba bakeng sa Lebitso la Hae.” Leo ke Lebitso la Hae. O nkile mosali, ua bona, ho Balichaba. ’Me ho ne ho lōketse joalo, mosali o kene, kereke, ’me eèna e le...e ne e le Balichaba, bonkhono-moholo ba lesika la peō motšeо koana.

⁶⁴ Joale, joaloka Isaaka e ne e le peō ea lesika. Joale lemohang sena, re fumana Davida a baletsoe tsepiso ena ea mora. Joale, re evelloa taba eo e boela e bapa le Iseraele. Mohla Iseraele . . . Kapa Abrahama o tsepisitsoe ha thoe peō ea hae, seo e tlang ho ba sona, ha thoe ho tla tsoa Mopholosi e moholo enoa peōng ea hae, 'me e tla ba ntata lichaba. Peō ea hae ea tlhaho, ehlide, e ne e le Isaaka, eaba e a hloleha. Empa ka Peō ea hae ea moea, ka tumelo ea hae, ho tlide Kreste, taba e kentseng lichaba tsohle.

⁶⁵ Be, taba eo e boela e bapisoa mona. Salomone e ne e le peō ea Davida ka tlhaho, 'me e sitiloe joaloka peō e 'ngoe ea Abrahama. E ile ea tlola. Le Solomone o ile a sitoia. A inkela basali ba bangata haholo 'me, ntho ea pele ua tseba, ba khelosetsa pelō ea hae hole le Molimo. Eaba o a tloha 'me a sitoia, a shoia ka mokhoa oo, a tlola. Le Iseraele o shoele ka ho tšoana, ka tlolo.

⁶⁶ Empa re fumana Peō ena ea moea, e neng e tsepisoe ka peō ea tlhaho ka lesika la batho ba tsoang ho Abrahama, empa 'muso oa borena o tlide ka pallo ea moea ka Davida. 'Me Davida o tsoaletsoe Bethlehema. 'Me o tlotsitsoe Bethlehema. 'Me rea fumana mohla Peō ea hae ea makhonthe ea Boreneng, Mojalefa oa terone ea hae o tsoaletse, hona motseng ona, motsana Bethlehema. "U monyenyané ho mahosana ohle a Juda, empa ho uena ho tla tsoa Motsamaisi ea tla busa sechaba sa Ka."

⁶⁷ Motsaneng ona, setala se se nyenyané, setala sa motse sephokong sa thaba, lehaha le motše ho sephoko, 'me mono menyako ea sona ho tsoile, Khosana ea Khotso, e tsoaletsoe setaleng, holim'a e—e lebokosana la—la setoroi le hlonngoeng nqa e 'ngoe, ho entsoe hlabia ea moiteli ka melikong, le joalo-joalo, empa teng ho tsoile Khosana e khōlō, Peō ea mosali, mono ho tsoile Mopholosi oa lefatše, mono ho tsoile Jehovah ka Sebele, ka sebopheho sa monna, o tsoile setaleng se ithobileng seo Bethlehema. E seng paleising ea khosi ea mofuta, ho tsoalloa boreneng; empa teng O tsoile tulong e ithobileng eo, qubung ea moiteli ka mono, a phutheloa ka masela a shoabaneng. Tšomo e re, le harolotsoe jokong ea pholo ba sa tsoa lema ka eona.

⁶⁸ Bafumanehi bao ba batho! Josefa le Maria, bobeli bafumanehi ba makoma, ba kene setajaneng sena. Molimo ha se le ho Ithoba! Athe rōna re leka ho iphethola ntho ea tonana. Na ha le bone Molimo ka moo o Ithobang ka ho tšoara linthoana tse leng sieo, hore O tle o phethise lipallo tsa Oona tse khōlō. Ka moo Jehovah-nyana a robetseng sejelong, a phuthetsoe ka—ka lesela le harolotsoeng ka morao ho joko, mono molaleng oa joko ea pholo. Eaba Khosana ea Khotso e phutheloa ka lona! Khele! Rōna re bomang ke hona? Re lokeloa ke'ng? Efēla ha Molimo o ka Ithoba joalo, na ha rea tlameha ho ithoba ho ba bahlanka ba Oona, haeba A fēla a entse lintho tse joalo? Na re ke ke ra lebala liritihali tsa rōna le lintho tsa lefatše lena, ra li feta, ra ikokobetsa pel'a Oona Keresemose ena? Le ho ba e . . . Ho Mo bontša likananelo tsa rōna tsa tsoalo eo le boikokobetso boo, ka

ho ikokobetsa le ho amohela Lentsoe la Oona. Ho sa tsotelehe seo moetlo o se buang, ke Lentsoe la Oona le boholokoa. Ke seo O tlang ho se amohela, Lentsoe la Oona, homme Seo feels.

⁶⁹ Joale rea fumana, setajana sena, ke hona moo pina ea pele ea bokhos i tsanyaotsoeng holim'a lefatše, 'me ea tsanyaoloa ke Mangeloi. E nahaneng! Pina ea pele, ha e a binoa le Kaiafa holimō mono, e seng tlase kerekeng e itseng e ntle ea molisa ea babatsehang, empa setala Bethlehema, e monyenyane har'a eona. Empa pina ea pele e binnoe ke Libopua tsa Mangeloi motsaneng oa Bethlehema. Na le bona seo ke se bolelang?

⁷⁰ Ho sa tsotelehe bofuma ba hao, bootloana kapa ho nyatseha ha hao—ha hao, Molimo o ka u sebelisa ha u ka O lumella joalo. Molimo o batla uena. Ha O batle ha u...ha u a tlameha ho ingolisa le sosaiti se itseng sa se tonana, tsamaiso e itseng e khōlō, bolekanehali bo itseng, le ha e ka ba eng, ha e bolele letho ho Molimo. Molimo o batla uena! 'Me haeba u...haeba u ikutloa u phahame, honya maikutlo ao. U tlameha ho a honya. U re, "Be, be, ke tšoere Ph.D., LLD." Hoo ho u khelosetsa hole hakaalo le Molimo. Lebala ntho eo. Khutlela ho Molimo. Khutlela boikokobetsong ba Moea, le ho rata Molimo le ho nka Lentsoe la Oona.

⁷¹ "Ekare ha le lula ho 'Na le Mantsoe a Ka ho lōna, le ka kōpa seo le se batlang, le tla se neoa." Molimo o e tšepisitse. "Ha u ka bolella thaba ena, 'Sutha,' u sa belaele pelōng ea hao, u mpa u lumela seo u se boletseng hobane se tla hlaha, u ka fumana seo u se kōpileng." "Ea lumelang ho 'Na, mesebetsi eo Ke e etsang o tla e etsa le eēna. O tla etsa le e meholo ho ena, hobane Ke ea ho Ntate oa Ka." Litšepiso tse kakang!

⁷² Ntho e a haella nqa e 'ngoe. Re leka ho e sotha re e fetola nthohali holimō mane, ho e hloma palesa le ho e phatsimisa, 'me re e silafatsa joaloka lichaba ha li nyeperelitse Keresemose. Ke hantle! Holane ra tima phatsimo ea lintho tseo, 'me e—e boikokobetso ba khutlela pelōng ea motho! Holane ra khutlisetsa boikokobetso bo tšoanelang Keresemose! Ha se letsatsi la khoebo, e seng maseli a Santa Claus'es! Empa morao ho khumamela Molimo oa lihloliloeng O keneng setaleng oa tsoaloa e le Lesea, Molimo o entsoeng nama oa aha har'a rōna! Hola re ka khutlela mono, ho sutha phatsimong le linthong tse khōlō. Ebile Molimo ha o sebetsane le eona ho hang.

⁷³ U re, "Be, ke setho sa mokhatlo o moholohali." Hoo ho u khannela hole le Molimo ho feta. U re, "Ke etsa sena, sane." Hoo ho u khannela hole ho feta.

⁷⁴ U tlameha ho ikokobetsa ho fihlela u bona seo, ho fihlela, "E ka re ha le lula ho 'Na le Mantsoe a Ka a lula ho lōna, le ka kōpa seo le se batlang." Seo re lekang ho se etsa, hang ha Molimo o refafatsa ka mahlohonolo a seng makae, re leka ho e sotha ka bottlalo re kenya ka mono liriti tse khōlō tse tlang ho

taka mabitso a maholo le ho hlolisa e mong. Enoa o leba nqa *ena* le nqa *eane*, Molimo o tlohela ntho eohle. Seo re se hlokang kajeno ke tšoloho e ncha ea Moea o Halalelang holim'a lipelō tse ikokobelitseng. Re hloka Keresemose ea makhonthe, nqalo ea tsoalo. Hola u ka itemoha u se letho empa setala! Molimo ha o a ea Jerusalema, ho ea Shilo, kapa Ramothe-Gileade, O tlie setaleng se silafetseng. Ha u lumella Molimo, u fetoha . . . 'me u itemoha u se letho empa setala se nkhang. Empa kamohelo, bula menyako ea hao, mohla linqalo tse khōlō tsena li litša tsa baeti li Mo lelekang, bula menyako ea sejelo sa pelō ea hao le ho lumella Jehova ho kena teng, le ho sheba se etsahalang, hoba Ke Lentsoe. O boletse, "E ka re ha le lula ho 'Na, le Lentsoe la Ka ho lōna." Ke Lentsoe. Mo lumelle ho kena ho uena, 'me u shebe se etsahalang. U ntano kōpa seo u se batlang, 'me u tla se etsetsoa.

⁷⁵ E, pina ea pele ea bokhosí e binnoe mono ke Mangeloi, lilemo tse ngata tse fetileng. 'Me ea re ha A . . .

⁷⁶ [Moena e mong o bua ka liteme. E mong o a koaholla. Sekheo lebanteng—Mohl.]

'Me joale rea tseba molaetsa o tšoanetse o be o le bohlokoaa haholo, ha e le moo Molimo a batlide ho rialo, ho seng joalo O be a sa tl'o kenella molaetsa ho etsa ntho e joalo. "Ikokobetseng tlas'a matsoho a Molimo," e ne e le molaetsa oa eona, metsoalle.

Joale, Ntata rōna oa Leholimō, re U tseba u le bohlale bohle 'me u sebetsa lintho tsohle ka tšoanelo feela. Rea rapela joale hore U finyeletse e—e molaetsa ona bathong, ba tle ba ikokobetse ka 'nete, rōna bohle, le ho kena tlas'a letsoho la Molimo o matla. Re itlamella ho Uena, Ntate, hore U re abele sena. Ka Lebitso la Jesu, Mora oa Hao. Amen.

⁷⁷ Joale, ho khatha tema, ke ne ke bua ka mohla ho binoang pina ea pele ea bokhosí, e binnoe ke Mangeloi motsaneng oa Bethlehema. Ke hona moo banna bana bohle ba baholo ba tsoaletsoeng teng. Ke hona moo tšepiso ea Khosi e tsoaletsoeng teng. Khosi ea tšepiso e tlie teng. Joale, lentsoe . . . ho finyella ka potlako joale, ho se le tšoarelle halele. E—e tšepiso, lentsoe e ne e le lona lena, lentsoe leo "Bethlehema." Ha re le qhaqholleng. Ke tlotsé linoutšu tse 'maloa mona ho boloka nako. Joale, Bethlehema. Lentsoe *B-e-t-h* le bolela "ntlu." *E-l* e bolela "Molimo," ka Seheberu. *E-l-h-e-m* ke "Bohobe." *Bethlehem*, "ntlu ea Bohobe ba Molimo." Ke seo lentsoe le se bolelang.

⁷⁸ Mantsoe, mabitso, a bolela ho hong. Batho ba bangata ha ba lumele seo, empa ke 'nete. Efela ha mabitso a sa bolele letho, hobaneng lebitso la Abrame le tlameha ho fetoleloa ho Abrahama? Hobaneng Sarai a tlameha ho fetoleloa ho Sara? Hobaneng Saule a tlameha ho fetoleloa ho Pauluse? Hobaneng Simone a tlameha ho fetoleloa ho Petrose? Ua bona, tsena tsohle li bolela se seng, tsohle li bolela ho hong.

⁷⁹ 'Me lebitso *Bethlehem* le bolela "ntlu ea Bohobe ba Molimo." Joale, taba eo e tšoanelia Jesu hakakang, Bohobe ba Bophelo Bosafeleng. Kreste ke Bohobe ba Bophelo. Re lumela hoo, ha ke re? Bethlehemia e tšoaneleha hakakang mono, setsi sa bohobe ba lefatše, e ne e le setsi sa bohobe ba Bophelo Bosafeleng. Lebaka leo Khosi a na a tlameha ho tsoalloa mono. O boletse, ho Santa Johanne 6:35, "Ke 'Na Bohobe ba Bophelo bo tsoang ho Molimo Leholumōng. Bontata lōna ba jele manna feel leng, 'me bohole ba shoele. Empa Bohobe bona, e ka re ha motho a e ja Bohobe bona, o tla phela ka mehla." Ka hona, Jesu ke Bohobe ba Bophelo, ha ho le joalo Bohobe ba Bophelo ba tlameha ho tla Bethlehemia. Ke Bohobe ba Bophelo ba rōna ba leeto, joaloka Iseraele. Molimo o neile Iseraele bohobe bo tsoang libakeng tse holimō, bakeng sa leeto la bona, ha ba ntse ba tsamaea ho tloha moo ba faletseng Egepetia ho ea lefatšeng la pallo. Bohobe, ka bosiu, ba theoha libakeng tse holimō. 'Me Molimo o re file Bohobe ba Bophelo ba leeto la rōna, tloo Bethlehemia, ntlu ea Molimo ea Bohobe. Na le bona ka moo e neng e loketse ho hlaha kateng? E ka khona e be moo lebitso leo le bitsoang teng, *Bethlehem*, "ntlu ea Bohobe ba Molimo." Ka hona O be a ka tsoalloa Jesusalema joang? O be a ka tsoalloa Ramothe-Gileade joang? Ua bona, O fihla moo Lebitso la Hae le neng le le teng, "ntlu ea Bohobe ba Molimo."

⁸⁰ Oh, lemohang, Iseraele o fuoe bohobe bo bocha ka bosiu, bo theohang Leholumōng, bakeng sa leeto la bona. Kreste ke Bophelo ba rōna, Bohobe ba Bophelo, 'me letsatsi ka leng re fuoa se tsoang ho Kreste se le secha, se tsoang Leholumōng, Moea o Halalelang o theohela holim'a molumeli letsatsi ka leng. Ka bocha!

⁸¹ Boiphihlelo ba maobane, bongata ba rōna re phela ka boiphihlelo ba maobane. Ha rea tšoanelia joalo. Ke boiphihlelo ba kajeno! Ke bona bothata ba tsamaiso ea malumeli a rōna, a phela ka boiphihlelo ba John Wesley, ka boiphihlelo ba Dwight Moody, Finney, Sanki, Knox, Calvin, ba bangata bao morao mono. Ba phela ka boiphihlelo boo. Empa, hopola, bohobe bo theohileng, ba lekile ho bo bokellela moso, eaba bo a puta, libokoanantsi tsa bo kena, mehatlana e nyeunyang. 'Me ke bona bothata kajeno, mamena a silafetseng, a phelang ka bohobe bo putileng ba maoba.

⁸² Re tšoanelia ho fumana se secha ho Kreste, Lentsoe la Hae kajeno la hora ena. Ua bona? Ke hlasimollo ea rōna, Bohobe ba rōna bo theohelang holim'a molumeli letsatsi ka leng ho tsoa Leholumōng. Ke Bethlehemia ea rōna, Ntlu ea Molimo ea Bohobe ba Bophelo Bosafeleng. Kreste o tsoaletsoe Bethlehemia, ea e-ba Ntlu ea Molimo ea Bohobe ba Bophelo Bosafeleng. Ke Bohobe ba Bophelo. Ke Bethlehemia ea rōna. Kreste ke Bethlehemia ea rōna. Bohobe ba tlhaho bo bitsoa "kötla ea bophelo." Re bo bitsa joalo bohobe ba tlhaho, joaloka bohojana ba rōna bo bobebé, le lintho tseo re li fumanang, li bitsoa kötla ea bophelo. Jesu ke

Kōtla ea Molimo ea Bophelo, e—e—e Kōtla ea Bohobe ba Bophelo ba Bophelo Bosafeleng. Joaloka ha kōtla ea bophelo e bitsoa bohobe, Jesu, ka ho ba Bohobe ba Bophelo, ke Kōtla ea Molimo ea Bohobe ba Bophelo Bosafeleng ho rōna. Ua bona?

⁸³ Re ke ke ra tloha, ntho e tlameha ho shoa hore re khone ho phela. Hoseng bona ha u jele, u ja lintho tse shoeleng. Efèla ha ntho e sa shoe, u ke ke ua phela, hoba u phela feela ka ntho e shoeleng. Ha u ja nama, hoki e shoele. Ha u ja kolobe, hoki e shoele, ehlide. 'Me ha u ja bifi, khomo e shoele. U re, "Empa ke ja bohobe." Koro e shoele ke hona. "Khele, ke jele linaoa." Linaoa li shoele. U phela ka tse shoeleng feela, 'me u ka phela joalo feela.

⁸⁴ Ka hona haeba u ka phela ka tlhaho feela, ka tse shoeleng, ntho ea tlameha ho shoa ho u phelisa ka tlhaho, hakakang Ntho e neng e tlamehe ho shoa ho u phelisa ka Bosafeleng! Kreste o shoele, ho re phelisa ka Bosafeleng. 'Me O fetoha Ntlu ea Molimo ea Bohobe ba Bophelo Bosafeleng, boo re bo qhautsang, bo le bocha, hora ka 'ngoe ea letsatsi, bo theoha ho Molimo Leholumōng, ka sebopoho sa Moea o Halalelang, o fepang meea ea rōna e lapileng re sa lutse 'moho libakeng sa Leholumō. Ke Bethlehemoa oa rōna.

⁸⁵ Ha ho le joalo bara bohle ba Molimo ba lumelang ka 'nete ba tsoaletsoe Bethlehemoa 'moho le Eèna. Efèla ha Kreste a ne a tlamehe ho fetoha Bohobe ba Bophelo, ho tsoalloa Bethlehemoa, e leng Ntlu ea Bohobe ba Bophelo, e mong le e mong oa balumeli ba makoma ho Kreste o tsoaletsoe ho Kreste, ba tsoaletsoe Bethlehemoa ea Molimo. Amen. Ka hona, feela, Jesu o tsoaletsoe Bethlehemoa, ke tsoaletsoe Bethlehemoa, u tsoaletsoe Bethlehemoa. Ebe u e entse joang? Hantle mona Phoenix, Arizona, hoseng hona Ramada, u ka tsoaloa bocha Bethlehemoa ea Molimo, Ntlu ea Bohobe Bosafeleng ba Bophelo. Ak'o Bo je 'me u phele ka mehla!

⁸⁶ Hobaneng motsana Bethlehemoa? Mono ke kajeno, "Khele sehlotšoana sa bathethehi bahalaleli? Khele *sena, sane* kapa se *seng?*" Batho ha ba tsebe letho ka Eona.

⁸⁷ Empa Moea o a Bo senola. Lentsoe le a Bo bontša. Ke ponahatso ea Lentsoe la Molimo. Re na le Bophelo ka Kreste, homme Eèna a inotši. Mekhatlo ea rōna, litsamaiso tsa malumeli a rōna, liphapang tsa rōna, li mpa li re arohanya le Molimo feela. Katamelo ea rōna ho Molimo e 'ngoe feela, 'me ke ka Jesu Kreste. Ha ho mokhoa oo re ka tlang ka Eèna; ha se ka moprista oa letho, ha ho moreri, ha ho tsamaiso, kapa letho feela; ke Jesu Kreste le hona Ea thakhisitsoeng. Ke Bohobe ba Molimo ba Bophelo, 'me re tsoetsoe ka ho Eèna. 'Me haeba E le Bohobe ba Molimo ba Bophelo, le joalo Ke Bethlehemoa. 'Me ka ho tsoalloa ho Kreste, re tsoaletsoe ho Molimo Bethlehemoa, ka ho Kreste Jesu, ho lula 'moho libakeng tsa Maholimō, re ja ho Eèna. Ho ja ho Eèna! Ke Mang? Ke Lentsoe. "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo." 'Me haeba re

ka lula ka morero o le mong, Lentsoe la Molimo, le ho iphepa ka Hono, re ka ho Molimo, ka ho Bethlehema oa moea, re ja Bohobe ba Molimo ba moea, 'me meeaa ea rōna e chaella Lentsoe lefe leo A le buileng, ka "Amen!" Re thabela Lijo tsena tsa lengelo i la Leholimō.

⁸⁸ Haeba Le re, "Mehlolo e tla tsamaea le ba lumelang ke eona ena." Tumeloana kapa tsamaiso ea bolumeli e re, "Oh, ha Le joalo." Empa motho oa makoma ea tsoaletsoeng Bethlehema, o re, "Amen!"

⁸⁹ "Mesebetsi eo Ke e etsang le lōna le tla e etsa." Tsamaiso ea bolumeli e re, "Ke letomotomo la ho fehla maikutlo." Empa mojaki oa makoma oa Bethlehema o re, "Amen," hobane o khotsoe, Tseo ke Lijo tsa mangeloi.

⁹⁰ "E ka re ha le lula ho 'Na le Mantsoe a Ka ho lōna, le ka kōpa seo le se batlang, 'me le tla se neoa." Amen.

⁹¹ Oh, ba phahameng le ba bohlale ba ke ke ba e bona le ka mohla. Re tiisetsa meetlo ea baholo hakana, ho fihlela re tlameha ho jara litlankana le ntho eohle ho hloella sefala sa mofuta. Bao ha ba ntho eo. U ka hloella sefala sa Molimo ka ho ikokobetsa. Kena Tlung ea Bohobe ba Bophelo, Jesu Kreste, 'me u phele pel'a Sefahleho sa Hae ka mehla, le ho phahamisetsoa libakeng tsa Maholimō ka ho Kreste Jesu, ho keteka ka Lentsoe. Ke eona Bethlehema ea Molimo.

⁹² Ba keneng ho Eona har'a rōna ba ba kae hoseng hona? Ba ikemisetsang ho lebala meetlo ea lōna ba ba kae, ba ikemisetsang ho lebala litumeloana tsa lōna tse hananang le Lentsoe ba ba kae? Hobaneng re sa fumane tsoseletso? Hobaneng re sa fumane lintho tsena li etsahala? Molato ke ofe ka Pentekosta? E itlhophisitse. Ke eona. U ke ke ua hlophisa Pentekosta. U ka bopa mokhatlo. Empa pentekosta ke lehlohonolo, ke Matla a Molimo. 'Me haeba e le pentekosta ea makhonthe, ha e ka ke ea nyemotsa Lentsoe bakeng sa tumeloana. E tla amohela Lentsoe. Hantle, hobane e bololitsoe nqa lefatše le linthong tsa lefatše. E lula holim'a Lentsoe la Molimo feela, le ho Le lumela. Re ka ho Bethlehema, re bonkhetheng ba 'Muso oa Molimo. Re ja Bohobe ba Molimo ba Bophelo Bosafeleng. Ho tsoalooa, Molimo Bohobe, ho tsoalooa Bethlehema, ho fetoha Bohobe ba Bophelo ba moea, ba Bophelo Bosafeleng, ka tlung ea Molimo. Oh, banna! Ho tsoalooa Bethlehema, re joalo, hoseng hona, ha re tsoetsoe ka ho Jesu Kreste, hobane Ke Bethlehema ea Molimo. Jesu ke Ntlu ea Molimo ea Bohobe ba Bophelo Bosafeleng.

⁹³ Ebile hape Ke Metsi a leeto la rōna. Joale, re Mo tseba e le Metsi. Joaloka Iseraele leetong la bona, mohlomong ba otlide lefika 'me le bohobe ba bona bo theohile Leholimōng, empa ho otlide lefika ba tle ba noe ho lona ho natlafaletsoa leeto la bophelo ba bona. Molimo o otlide lefika, kapa Moshe ho etsa joalo, moporofeta oa Oona, o otlide lefika. E ne e le eng? Ho bula

lefika. Haeba . . . Lefika e ne e le Kreste. Na le a e lumela? Ho lokile. Efèla ha moporofeta a butse lefika ho lokolla bophelo, ka hona, haeba kajeno e le Lefika, re hloka Moea o Halalelang o ahileng mothong oa horeng ea tla boela a otla Lefika, amen, le ho lumella Lentsoe ho lokolloa, hobane Ke Lentsoe.

⁹⁴ Re faposelitsoe litumeloaneng ho noa metsi a putileng a mamena. Kajeno re hloka ho pulo ea Lentsoe le phelang, 'me esale Eèna maobane, kajeno, le ka mehla. A ke ke a hholeha. Ba ka e bitsolla ho bala mohopolo, ba ka e bitsolla seo ba se batlang, kapa bouppelli, kapa—kapa devele, ha feela Lentsoe leo le phalla ka bolokolohi 'me le hlahisa ka nèpahalo seo Le boletseng Le tla se etsa, Ke Seliba se ka tlung ea Davida hape, morao koana Bethlehem, moo Jesu Kreste e leng eèna maobane, kajeno, le ka mehla, ho baahi ba Hae ba Bethlehem. Ba phela ka Ona, ba phela ho Ona, ke Metsi a Bophelo leetong ho rôna joaloka Iseraele ha e a fumane.

⁹⁵ E 'ngoe ea liphihlello tsa litonana tsa Davida, ha u batla ho bala ka eona ho Samuele oa Bobeli 35:15, ho qala, mono re bala ka Davida, ea tsoaletsoeng Bethlehem, empa koana ea eba molelekao. Oh, pono e kakang! Ke mohla Baflista ba thibeletseng, naха, hobane Saule, monna oa senatla ea hlahletseng Iseraele eohle sebeng, o ne a furaletse Molimo 'me a ipehile sera sa Molimo, 'me a—a thibeletsoe, Baflista ba teetse Bethlehem ba e thibeletse. 'Me Davida, a leka ho khutlela lapeng la hae, a mpa a sa khone, a le ka ntłe nahathote e le molelekao bathong, kapa, a lelerisitsoe.

⁹⁶ Ke ponahatso e khahlehang hakakang ea Kreste kajeno, molelekao. O joalo. Joale, u re, "Ho ke ke ha ba joalo." Be, haeba u lumela Bibele, ke eona. Bibele e boletse, Mongoaheng oa Kereke ea Laodisea, Kreste o na eme ka ntłe ho kereke, a ntse a kokota [Moena Branham o kokota sefaleng—Mohl.] ho leka ho khutlela kerekeng ea Hae ka sebele. Molelekao ke ntho e khesuoeng, e hannoeng. 'Me Lentsoe le Moea o Halalelang li latotsoe. Ke hantle. Ha u khone ho kena mono. Haeba u ka Mo amohela le ka mohla, u tlameha ho tsoa mono ho Mo finyella. U tlameha ho tsoa ho ea ho Eèna. Ha A khone ho kena ka hare. Ba bopelletsoe litumeloaneng tsa bona hakana ba—ba ke ke ba u lumella ho rera lintho tseo, ba ke ke ba u lumella ho lumela lintho tseo.

Ba re, "Na u lumela A sa tšoana?"

⁹⁷ "Oh, ka mokhoa o itseng, O a tšoana." Joale, hoo ha se hona ho phela Bethlehem. Che, che. Ke hona ho noa lemeneng le putileng, motšeо koana, bohobe bo putileng ba khaleng bo theohileng lilemo tse 'maloa tse fetileng. "Ebe Sekete-kete o itseng ka Eona?" Mohlomong ba ne ba lòkile letsatsing la bona. Lena ke letsatsi le leng. Lena ke Letsatsi la Morena! Ona ke mongoaha oa kereke e 'ngoe, ha se ea Filadelfia. Ena ke Laodisea.

E latotsoe, 'me Kreste o fetohile molelekaoa kerekeng ea Hae ka sebele, ho kharameletsoa ka ntle. Ke molata.

⁹⁸ A ka theoha hantle a sebetsa har'a batho hantle, ho etsa tse tšoanang le tseo A li entseng mona, ho bolela A tla e phethisa matsatsing a qetelo, ho hlahisa lipontšo le lintho tseo A boletseng A tla li etsa joaloka matsatsing a Sodoma. Re tseba seo A se etselitseng Kereke mono.

⁹⁹ Re bona Billy Graham, joaloka mohlang oo. Baromuoaa bao ba theohetse kerekeng ea bolumeli bo hlophiloeng, ho rera tlase mono, le ho ba hlabela mokhosii ho tsoa, ho ba bolella ho lumela Lentsoe le ho tsoa Sodoma.

¹⁰⁰ Sehlopha sa Abrahama se sa ka sa lula Sodoma, ba se ba bilelitsoe ntle. Le shebe Lengeloi, seo Le ba etselitseng sona holimō mono, e le pontšo, ho ba tsebisa. 'Me ho ka etsoa ntho e tšoanang, 'me batho ba re, "Oh, be, le se ke la E lumela." Hobaneng? Hobane ba fetotse Kreste molelekaoa mokhatlong oa bona, ke melata e meholo ho Lona, Pentekosta le bohole 'moho. Joale, eo ke 'Nete e tiileng. Kea tseba e a ngoapa. Empa, mamela, haeba ntho efe e sa... Haeba—haeba e le 'Nete, e tla ngoapa. 'Me ke hantle. E ka khona e be 'Nete.

¹⁰¹ Joale, joale shebang Davida, mehleng ea hae holimō mono, eaba Davida o lora likhapo tsa hae tsa bonatla. O khohletse lehaheng, a lutse motše, le hole koana, limaele tse batlileng ho etsa leshome le metso e mehlano ka ntle ho motse. Eaba o nyoloha a bona ntho eo mono, motse oa habo thatohatse moo a hlahetseng, le moo a tlotselitsoeng borena, le—le joalo mono.

¹⁰² Bajaki ba Israele, litšiung tseo, ba ne ba itšoanelia le Jeremane kajeno. Ba hahile metsana. 'Me ba lula metsaneng ho itšireletsa, ba ntšetsa manku le mohlape naheng ho a fulisa, ba boela ba a orosa. 'Me mantsiboea, ba e hlahlela masakeng.

¹⁰³ 'Me Davida, eaba o nyaretse motse, a qala a hopola liketso tsa bonatla tsa Molimo ka eèena, likhapo tse khôlô tsa litonana tseo Molimo o li hapileng ka eèena. Mohla a alositseng linku tsa hae holimō lithabeng, a robetse makbulong a mata, le joalo-joalo, bere ea kena ea tšoara konyana ea tsoa le eona. Eaba o e sala morao, a bolaea bere. Molimo oa mo fa tlholo hobane a laetsoe ke ntatae ho hlokomela linku tseo. E ne e le mosebetsi oa hae—oa hae oo, ho hlokomela linku!

¹⁰⁴ Oho molebeli, ke mosebetsi oa hao oo! 'Me li ja Lijo tsa linku, e seng lialamanaka. Lijo tsa linku, Lentsoe la Molimo!

¹⁰⁵ E mong o kena a tšoara e 'ngoe, o matha a tsoa. E mong o a kena o tšoara e 'ngoe o a baleha, a e sala morao. Tau e kene ea tšoara e 'ngoe, a e sala morao. A sa khotsofala ho fihlela a e fumane.

¹⁰⁶ Hoo ho mo hapisitse tlholo e khôlô eo tsatsi le leng, mohla a boneng Israele eohle e chechisitsoe. Ua bona, e sa le Israele a

utloa litumeloana tsohle le ntho eohle. Ba tšoere lintho tsohle, bohle ba tsamaea kereke. Bohle ba bolotse. Bohle ba etela moprista ho ba hlohonolofatsoa pele ba hlomella ntoa. Empa mohla makhaolakhang, a ntho e Mohlolo, bao, e mong le e mong, makoala, ka ha ba bone ntho e leng phepetso. 'Me ba se na sebete, ba—ba se na seo kajeno re ka se bitsang, e—e ka puo ea seterata, ba se na e—e—e "ho loanela khau." Ntho e ne e haella. Ha ba khona ho qatsoha ho khahlana le seqhobane seo. Hobaneng? Empa bohle ba hlohonolofalitsoe ke moprista. Mahlohonolo a halalelang a lutse holim'a bona, 'me mohlomong ba khumama 'me ba tlotsoa ka metsi a halalelang, le eng hape, eaba bohle ba eme ka ntle mono. Empa mohla phepetso e leng khōlō hakana, ba sa tšoara letho. Saule a eme mono, mookameli ea akaretsang kapa bishopo, a eme ka ntle mane, a le hlooho le mahetla holim'a sesole sa hae.

¹⁰⁷ Eaba o a qholotsa, eèna Goliathe, 'me a re, "Ha nka 'molaea, le tla re sebeletsa. Empa ha mpolaea, re tla le sebeletsa." Empa e le phepetso ea tonana haholo. Ka menoana ea li-inchi tse leshome le metso e mene, seatla sa boahlambo ba li-inchi tse batlileng ho ba mashome a mabeli a metso e robeli. Shebang sepharahali sa letsoho la hae! Nalete ea hae—ea hae, nalete ea molohi, tšobotsi ea lerumo la hae. Le re hlooho ea hae e kae, e batla e le kaale ka bathe. E ntano ba e—e kokoro, e botenya ba inchi kapa tse peli, ea borase, e mo koahetse hlooho. Shebang sehlomo, maqephe a sehlomo a kang lifesetere tsena tsa qaphanang, a tle a khone ho phefumoloha le ho tšoephoha, lihlomo li ne li sebetsa joalo. A khoesitse sehlako se qaphanang, se batlile ho etsa boima ba lipondo tse lekholo, kapa tse makholo a mabeli, sa borase, se leketlile sefubeng sa hae. A tšoere e—e nalete, lerumo letsohong la hae, le ka ba bolelele ba maoto a mashome a mararo le metso e mehlano.

¹⁰⁸ Sera se kaalo se ka u etsang haeba se hopola se u tsoakelitse! Seo a hopolang a ka se etsa, a ka iphafa ha kaale! "Matsatsi a mehlolo a fetile. Le ke ke la tsoella ka ntho e kang eo."

¹⁰⁹ Empa ha nyoloha mothaka e mokhubetsoana a sa hlomelloa boiphihlelo ba thutabomolimo, feela a tšoere boiphihlelo bo reng Molimo o sa setse e le Molimo. Molimo o boloka Lentsoe la Oona. 'Me ke enoa a nyoloha. 'Me Saule a re, "Bea butle, ke tla—ke tla u apesa bachulara ea art."

¹¹⁰ A mo roesa kokoro ea hae, 'me ea tloha, ea mo kobotetsa a khasetsa fatše. A sa tsebe letho ka eona. Ho re, "Ha ke tsebe letho la lintho tsa mofuta oo." Ho re, "Ha ke tsebe. Empa ke tseba ho le hong, na u boi ho loantša seqhobane seo? Athe le eme mona le ipitsa Kereke ea Molimo o phelang, koana le lesa leqai la mosalumele le ema ka ntle mono le ithorisa ka tsela eo?" Ho re, "Ke tla ea mo loantša!"

¹¹¹ Oh, re hloka monna ea joalo kajeno, monna ea fumaneng boiphihlelo!

¹¹² Eaba o etsa'ng, Davida e monyenyané oa Bethlehema o entse'ng? A tsoela koo ho loantša seqhobane. Seqhobane sa mo hlapaola ka lebitso la melimo ea sona, melimo, bongateng, ho mo hlapaola ka lebitso la liqbokane tsa hae, kapa melimo ea sona, le ho tsoela mono le ho re, "Kajeno ke tla u totometsa lerumong la ka 'me ke fehe setopo sa hao sefateng ke se fepe linonyana."

¹¹³ Oitse, "U khahlana le 'na u le Moflista, ka lebitso la Moflista, ka sehlomo le ka lerumo, empa 'na ke khahlana le uena ka Lebitso la Morena Molimo oa Israele." E ne e le eng? Lentsoe! Lentsoe, "Ke ea khahlana le uena ka Lentsoe." Ho re, "Kajeno lena ke ea khaola hlooho ea hao holim'a mahetla a hao." Eaba seqhobane sea iqabola sea mo khorohela. 'Me Davida a se ke a honyela, a mo khorohela, le eëna. Sebakana se seng feela, eaba Molimo o tobisa lejoe la hae.

¹¹⁴ Davida, o robetse holimō mona e le molelekoa, a hopotse seo, boholo ba tlholo eo. E ka ba o nahanne le ka lipesalema, a robale mono ka linako tse ling a nahanisise ka Molimo. O ipoletse a tlameletse melao ea Oona litšieng tsa malao a hae—a hae le menoaneng ea hae, le hohle moo a eang teng. "Ke behile Morena pel'a ka, ka mehla, 'me ha nka ke ka sisinyeha." O ne a behile Molimo ka pel'a hae. 'Me a hla a fuoa liphenyo tse khōlō! E ne re ha a bululeloa, e ne e le mopesalema, a raohe a tšoare lesiba la hae a ngole lipesalema a li bine. O ne a hapuoa ke Moea, a hobele a be a hobele a be a hobele ka Moea. A hle a haptjoe ke Moea, a hobele ka Moea ka ho ngola lipesalema tsena. 'Me o tšoanetse a ba a qapile lipesalema tse fapaneng, "Morena ke Molisa oa ka, nke ke ka hloka letho. O mphomotsa makbulong a matala," Pesalema 23, "O ntsamaisa pel'a metsi a khutsitseng. O hlabolla moea oa ka. Oh, O ntsamaisa mehlaleng ea ho lōka ka baka la Lebitso la Hae. 'Me, e, le ha nka tsamaea khohlong ea moriti oa lefu, nke ke ka tšoha bobe le ha bo le bong. Hobane U na le 'na."

¹¹⁵ 'Me ea re a sa hopotse lintho tseo, letsatsi le tlamehile le be le ne le futha, a nyoroa, a futhumala a fufuleloa. A sheba tlase koana phuleng ho tsoa qhooeng ea lithaba, ka bochabela kapa ka bophirimela, kapa e le ka bochabela, ho motse, ha a nyarela a bona Baflista bao bohole tlase mane, likete tsa bona li thibeletse. A bona seliba seo sa khale seo a noeleng ho sona. Oh, a qala a nahana hoseng ha a ntša linku tsa hae, ho tsoa ho—ho ea li fulisa, a re khalo selibeng sena sa khale, e ne e le setša se khabane ea metsi. 'Me a re khalo teng a noe metsi, a noe, a be a nose le linku tsa hae. Mono Bethlehema, moo a nositseng linku tsa hae.

¹¹⁶ Ke hantle moo Molimo o nosang linku tsa Oona hape kajeno, hantle morao koana Bethlehema, Ke Metsi a mapholi a macha.

¹¹⁷ Eaba o a meketsa, “Hola nka noa selibeng seo hape!” Ke tlil’o koala joale, sekehetsa tsebe. “Hola nka noa metsi!” Bokahare ba hae ba rareroha, “Hola nka ka noa metsi hang hape feela selibeng seo sa Bethlehem.” Libatabelo tsa hae ho ba mo ratileng li fetoha molao. Hopolang, moea oa hae o ne o tsetselela ho noa metsi ao. ’Me bao ba mo ratileng, bohashana ba tabatabelo ea hae e ne e le molao. Ha re bolelloa ho thoe e mong... eaba ho teana banna ba bararō ho bona, banna ba linatla. E mong o kile a bolaea makholo a robeli, a le mong. E mong a qhomela lemeneng a bolaea tau. E mong a tšoara molamu a pheula lerumo letsohong la Moegepeta, a mo fenetha ka lerumo la hae, a ema tšimong ea lentile ka tsela eo, a bolaea ba makholo a mararō ba mo likileng. Banna ba linatla! E ne e le Balichaba. Le shebe moo ba tsoang teng.

¹¹⁸ Mona Davida ke bapiso ea Kreste, Bethlehem, hoba Kreste ke Mora Davida. Ke enoa o eme mono, a tsetselela ho noa metsi ao. ’Me takatso ea hae e ne e le taelo, ke boletse, ho bao ba mo ratileng. Ba bararō ba banna bao ba tsomula lisabole tsa bona ’me ba loantsa banna ba limaele tse leshome le metso e mehlano, ho fihla tlase motseng oo. Athe ba bang ba loana ba bolokile... E ne e le banna bahlabaneli ba khabane ba linatla, Baflista bao, ba ba feta habeli ka boholo, ba bang ba bona. Empa e ne e le banna, ba khabane, ba khona ho loana. E mong oa bona a bolaea, a ema a le mong, ’me a bolaea banna ba makholo a robeli ba mo teetse hare, tsatsi le le leng. E ne e le banna ba baholo, ba tšepile Molimo. Ba bolokile tumelo ho moetapele oa bona. ’Me ba foħla tsela ea hae, e ne re ha e mong a foħla e mong a khe nkho ea metsi, eaba ba boela ba khethula tsela ea bona limaele tse leshome le metso e mehlano tsa banna, ba a tlietsa Davida ho a noa.

¹¹⁹ Mona Kreste o bapisitsoe lebakeng lena, ke Khosi le Mohlabani ’moho, hobane O khethutse tseleng ea Hae a phunyeletsa. O phuntse litheko tsa lefu la sera. O phuntse litheko tsa sera, hoo, be, re tle re fumane Bophelo Bosafeleng, Metsi a Bophelo Bosafeleng. O haotse le lefung, ho Ipelesa lefu, ho shoa lefu, ho khutla hore re rue Bophelo Bosafeleng. Ke Khosi le Mohlabani ’moho. Ha se rōna ba hlotseng, e se e hlotsoe! Ha se rōna ba hlotseng lefu, O re hlotse lefu! Ke Davida oa rōna oa letsatsi lena. O hlotse lefu. Bohobe le Metsi a Bethlehem.

¹²⁰ Bethlehem e ne e le setsi. Lōna boranalane le tseba seo, e ne e le setsi. E ne e le naha e khōlō ea koro, ka baka lamekhoa ea nosetso le lintho tseo. Ba ka kotula lijalo tsa koro haholo. ’Me e boetse e metsi a matle. E ne e le setsi sa bohobe le setsi sa metsi a Palestina.

¹²¹ ’Me kajeno, ho sa tsotelehe bongata ba mekhatlo ea rōna, le hore baena ba bitsoang-joalo ba ba kae, ’me, etsoe, ba ka ba joalo, le joale Kreste e sa le Bethlehem ea molumeli. Ke nqalo ea Bohobe le Metsi. Methodise, ke botle ho lōna; ke botle ho lōna Babaptise, lōna Mapentekosta, lōna bohole ba bang. Ntho eohle ke

nqalo e le 'ngoe, ke Bethlehema. Ke hona moo Bohobe le Metsi a Bophelo li tsoang teng. Yaa.

¹²² Mona Ke Bohobe ba rōna, Bohobe ba Molimo le Metsi a rōna. Ke setsi, eona feela nqalo eo u ka tlelang ho A fumana, ke ho Eēna. Ntlu ea Molimo, ka motho eo Jesu Kreste, Bethlehema ea rōna, Bohobe le Metsi a Bophelo Bosafeleng. 'Me Ke Lentsoe le entsoeng nama. Lentsoe ke lena, Bohobe le Metsi a Bophelo. Baheberu 13:8 e re, "E sa le Eēna maobane, kajeno, le ka mehla." Hoo ho Mo etsa Bethlehema ea rōna, setša sa rōna sa Bohobe le Metsi, eona feela nqalo ea Bophelo Bosafeleng.

¹²³ Le lemohe Davida, itse ha a fumana metsi, o hanne ho a noa. O boletse, "Molimo ho se be joalo. Ana ke mali a banna bana ba behileng maphelo a bona kotsing," ho tsoa le ho ea mo nkhella metsi ao. Hlokomela! A tšollela fatše, e le seno se nyeheloang Molimo. Amen! Banna le baena, phahamisang tumelo tsa lōna motsotso feela joale. O hanne ho a noa, ka sebele sa hae. A tšollela mobung, e le seno se nyeheloang ho—ho Molimo.

¹²⁴ Taba eo e bapisa Johanne 3:16 hakana, mohla Molimo o ratileng lefatše ha kaale O bileng oa le nea Mora oa Oona ea tsoetsoeng a inotši. Jesu, Khosana ea Bophelo, o tlide mona, a sa tlameha ho shoa. O hlotse lefu ka sebele sa Hae, le ho tšollela Mali a Bophelo ba Hae ka Sebele mobung, amen, e le nyehelo ea sebe sa rōna. Ke Lefika la rōna le teiloeng. Holim'a mobu, Mali a Hae a thekothata a biloeng ke Molimo.

¹²⁵ Ke utloile motho a bua molaetseng bosiu bo bong, ba ipoletse ba tlide ho . . . Kea kholoa Billy Graham, maobane bosiu, ke ne ke mo shebile o ipoletse a ile ho Israele 'me a ile Palestina, 'me o itse, "Ke tlide ho lumela batho ba habo lōna," ntho e kang eo. 'Me ka hla ka mo tsota ha a hlaha lenaneong leo la lefatše maobane bosiu. Bongata ba lōna le mo nyatsitse ka ho etsa joalo. Empa, shebang mona, eaba o ema pel'a sechaba sohle. 'Me ha a honyetsa mantsoe a letho, a emela seo a se lumetseng hantle. 'Me ruri kea mo tsota ka hona. 'Me o itse, "Ke ile Israele ka ba bolella, 'Ke rapela e mong oa Bana ba lōna," ka mantsoe a mang, ka mokhoa ona."

¹²⁶ Ka nahana, "Billy, hoo ho a babatseha. Ke rata ho bona matla ao a hao a abiloeng ke Molimo o ema hara Hollywood e phatsimang le ho hlahisa bopaki ka Jesu Kreste, empa E ne e se Mojuda." Jesu e ne e le Molimo, e seng Mojuda. Le hopole, sele ea mali e tsoa ho e motona. 'Me E ne e se motho oa letho, Mojuda kapa Molichaba, E ne e le Molimo o bopiloeng ka nama. Ha re a bolokeha ka mali a Mojuda kapa mali a Molichaba, re bolokehile ka Mali a Molimo. E ne e le Molimo, le letho ka tlasana. E ne e se Mojuda le ha e le Molichaba. Mali a Molimo a bopiloeng a ne a le ho Eēna, re fetoha . . . Hola E ne e le Mojuda le ha e le Molichaba, bohole re lahlehile. E ne e le Molimo nameng. Hantle.

¹²⁷ Ha ke rapele Mojuda, ke rapela Molimo ha ke rapela Jesu Kreste. Ha ke rapele tšomo ea mofuta kapa ntho e itseng ea histori. Ke rapela Jesu Kreste, Boteng ba Jesu Kreste hona joale, e leng Lentsoe la Hae le bonahatsoang mongoaheng ona.

¹²⁸ Molimo mongoaheng o mong le o mong o abile Lentsoe la Oona ho tloha qalong, 'me nako le nako mengoaheng eo e fetileng, Molimo o romella mongoaha oo moporofeta ea tlotsitsoeng. Matsatsing a Nohe, matsatsing a bao bohle, mohla O no o etsa litšepiso. Ha ke tsotelle maemo ao kereke e keneng ho ona, O e phethisa joalo ka mehla, O romela monna ea tlotsitsoeng. Hobla Lentsoe la Morena le tlela baporofeta. 'Me eaba o eme mono, moporofeta e mong le e mong, 'me o nyatsuoe ke mekhatlo ea letsatsi leo, empa a ema holim'a Lentsoe 'me a phelisa Lentsoe.

¹²⁹ Jesu e ne e le bottlalo ba Lentsoe la Molimo, hoba E ne e le bottlalo ba boMolimo ka 'mele, 'me bottlalo ba Molimo bo no bo ahile ho Eèna. Molimo o no o phela ka ho Jesu Kreste. Molimo o no o le ho Kreste o busetsa lefatše ho Oona. Ha se Mojuda oa letho kapa Molichaba, empa Molimo! Eaba O eme mono, a Iketsahatsa. E tšoanela hakakang! 'Me Mali a Molimo ka Sebele a tlameha ho tšolleloa mobung, ho qala ka mali a se nang molato a Abele le ho theoha joalo, ho lopolla rōna. Ha A tlosa bophelo ba Hae ka sebele, ha A boloka bophelo ba Hae ka sebele; O itse, "Ntate, ha ho ka etsoa na senoelo sena se ka feta pel'a Ka? Empa, le ha ho le joalo, ho se etsoe thato ea Ka, ho etsoe ea Hao." A inehela ho Lentsoe.

¹³⁰ Kajeno re ka etsa ka ho tšoana. U ka inkela litumeloana tsa hao, ho inkela *hore-le-hore* ha hao, le ho ea moo u batlang ka eona; empa u ka re, "Ho se etsoe thato ea ka, ho mpe ho etsoe ea Hao." Khutlela Lentsoeng leo la Molimo. Nka phatsimoea hao le Keresemose u iketsetse ka eona seo u se batlang. Feela 'na mphe Jesu Kreste pelōng ea ka, ho sa tsotolehe ho nyatseha ha Eona, le hore batho ba iqabola ka Lona ha kae, kapa se amanang le Lona. Sheba—sheba tlhaho ea eona, sheba haeba e sebetsa se ka A sebelitse. Ha e sa etsa joalo, 'me e sa bapane le Lentsoe lena, e tlohele, ha se Kreste; hoba Kreste ke Lentsoe.

¹³¹ Joale re e fumana e bapa hakana, Lefika la rōna, le petsotsoeng, Bophelo ba Mali a Hae ba tšolleloa mobung, nyehelo ea sebe sa moetsalibe. Bethlehem a rōna, Metsi, Bohobe le Bophelo, li nyehetsoe ho hlatsa rōna baetsalibe ba sa hloekang.

¹³² Oh, uena motsoalle oa moetsalibe, u ka hana joang, ka bothoto bo kaale, nyehelo e kaalo, athe Molimo o nyehetse Mora oa Oona ea tsoetoeng a inotši, nyehelo ea sebe, ho re e mong le e mong ea lumelang ho Eèna, ho Eèna, a se ke a timela a mpe a be le Bophelo Bosafeleng? U kena joang ka ho Eèna? Ka Moea o le mong re kolobeletsoa bohle Bethlehem a le mong, Lentsoe la Molimo, e leng Kreste ea bonahalitsoeng ho mongoaha ona.

¹³³ 'Me tsepiso efe eo Bibele e ballang mongoaha ona, O emetse moporofeta ea itseng ho hlaha temeng le ho bonahatsa hoo, O e tsepisitse ho latèla Malakia 4. E tla phethisoa. Ho sa tsotelehe ka moo batho ba e hopolang e le bosaoana, e tla phethisoa le ha ho le joalo! Molimo o boletse joalo! A ka khona le ka majoe ana! Litumeloana tsa rôna li ke ke tsa e amohela, haeba likereke tsa rôna li ke ke tsa e amohela, Molimo o ka khutlela setaleng, O ka ea hohle moo O batlileng. Empa ho tla hlaha motho ea emelang Lentsoe lena le builoeng la letsatsi lena. Ntho e itseng e tlameha ho Le bonahatsa. E ke ke ea ba sehlopha, le hona, ha eso etsahale joalo.

¹³⁴ Oho lôna bara, bahlabani, ha ke koala. Ha ke batle ho le tsoarella halelele haholo mona. Ke tlil'o koala hona joale hantle, ha Morena a ratile. Ke metsotso e mehlano pele ho leshome le motso o mong, kapa metsotso e tšeletseng, ke rialo. Lemohang, oho lôna bara ba bahlabani, uena monna ea ipitsang mora mona! Ana le tsebile seo Davida a se bapisitseng? Davida o bapisitse Kreste, Eèna ehlile, Kreste e ne e le Mora oa Davida. Joale mamelang, ho koaleng. Bahlabani bao ba Balichaba, bongata ba bona, lemohang hobane ba ne ba tsoa hohle, empa ba tsebile molelekao eo a tlotsitsoe. Ba tsebile Davida a khesuoe ke sechaba sa hae, empa ba tsebile tlolo e lutse holim'a hae. Ba khonne ho e bona. Eaba ba ema lephakong la hae hantle, ho shoa kapa ho phela! E ne e le banna ba bahale, ho sa tsotelehe na lefatše le kantle ha le a e lumela ha kae.

¹³⁵ Batho ba habo ba mo rahetse ntle. Ha ba batla ho amana le eéna ka letho. Saule a mo leleka, hlooho ea tsamaiso ea bolumeli ea mo rahela ntle, e sa batle ho amana le eona ka letho, k'hansele ea mo rahela ntle, ea eba molelekao. Ba tlameha ho ea hohle feela moo a ka khonang. Ke eo holimô lithabeng, empa ha hlaha sehlotšoana sa banna, sa Balichaba le ba joalo, se akhang bona, ba shebile monna eo ba 'mona e tla ba khosi.

¹³⁶ Le kajeno ho joalo ka masole a makhonthe a linatla tsa tumelo ea Lentsoe leo, ba tsebang hobane Lentsoe leo le tsepisitse Jesu Kreste a tla khutla. Ha rea thahasella limilione tsa didolara tsa *sena* le limilione tsa didolara tsa *sane*. Ke tjantjella ho khutla ha Kreste Jesu. Oho lôna bahlabani le leng bara ba Molimo, molato ke'ng ka lôna, le ema joang kajeno? Athe re bona Bibele e Mo tlaleha e le molelekao kajeno, ho ntšuoa kerekeng ea Hae, ho ntšuoa mekhatlong. 'Me le tseba hoo. Ho e thinyetsa ha ho thusen letho, ke 'nene. Bibele e boletse ho tla ba joalo. Tsoang har'a matšoao ao a sebata!

¹³⁷ Shebang banna bana! Ba tsomutse lisabole tsa bona. E ne e le eng? Takatso ea hae e ne e le ho noa metsi a mapholi. Davida! Papiso e ka kakang ea kajeno, Davida oa rôna, Kreste, rea tseba O bitsoa mohalaleli mothethehi, O lahletsoe lehlakoreng le leng, lehlanya nthong e 'ngoe le e 'ngoe, ho latoloa ke likereke. Ba tšoere litumeloana tsa bona le lintho tse thalehiloeng

Keresemose ena joaloka ha ba entse ho ea pele. Re tseba seo, empa rea tseba Lentsoe lena le lula le tsepahetse ka mehla, 'me Le tlameha ho phehisoa. 'Me takatso ea Kreste ke hore banna, bahlabani, ba eme tsetla! Amen!

¹³⁸ Oh, tloong, emang le 'na, lephakong la ka. Ke eme nqalong ea tlokotsi. Kea phepetsa kajeno! Mabantana a haola le lefatše lohle. Ke phepetsa monna ea itseng, mohale ea itseng ea ratang Jesu Kreste, ea tsebang lintho tsena li tlameha ho phethisoa kajeno, baena beso, tloong le eme lephakong la ka le tsomule Lentsoe la Molimo. Lebalang mamaena a ommeng ao le litsamaiso tse putileng tseo le phelang ho tsona. Tsomulang Lentsoe la Molimo le lecha, ha re phomosetseng Jesu Metsi a pentekosta a monate a macha! Ke eona takatso ea Hae kajeno, ho khutlela morao pentekosta ea mantlha, morao Lentsoeng! Ho porofetiloa ha thoe re tla etsa joalo, ho Malakia khaolo ea 4, "Ho busetsa Tumelo ea bana ho bontate hape." Ho tla ema mang hoseng hona?

¹³⁹ Joaloka Davida, re tseba Davida a tla lula boholong. Jesu Kreste o tla nka lefatše. O rua lefatše, E tla ba Khosi holim'a lefatše. Kajeno O a khesoa, Ke molelekua har'a batho ba Hae. Ehlide, Ke molelekua ho lefatše, e sa le ho lutse joalo. Empa kajeno Ke molelekua kerekeng ea Hae ka sebele, ba Mo hanne, ba rata litumeloana tsa bona le liriti tse khōlō litulong tsa Lentsoe. Ha ba Mo lumelle ho bonahatsoa. Ha ba Mo lumelle ho boleloa ka matla a Hae. Ba ikhaotse ho Eona, joaloka Bibele ha e ba boletse ba tla phethisa ho Tšenolo 17. Ba ntse ba etsa'ng? Ho nyolohela holimō mona kajeno, 'me bohole ba ikhomahanya le K'hanskele ea Likereke. Bokatolike le Boprotstanta li momahana 'moho, li etsa letšoao le setšoantšo sa sebata. 'Me Maprotestanta ba e oela sehlooho, Mapentekosta hohle. Liriti tse khōlō li kena Roma, li hlaha Pentekosta, 'me ho khutloa, ka le reng, "Nqalo e fetisang tsohle ka moea oa eona!" 'Me Texas le hohle feela, ba bula 'me ba tsebisa liteishene le lintho tse joalo, ba ntse ba e tseba e le litumeloana tse sotelitsoeng Lentsoeng lena.

¹⁴⁰ Oho, lōna baahi ba Bethlehem! Alleluia! Ke laetsa banna, bahale ba sa tlakaseleng. Ha ke tsotelle le ha ho eme makholo a robeli ka nqa e 'ngoe le likete tse leshome nqa e 'ngoe, ke batla bahale ba tla raoha ba mphelehetsa ho phunya lesoba lithekong tsena tsa Baflista ba bosalumele bao K'hanskele ea Lefatše e ba hlometseng ho pota Lentsoe la Molimo, ho leka ho le fetola litumeloana le ho fepa batho. Seliba se teng, Phororo e butsoeng ka Tlung ea Davida, Bethlehem, ea sebe le ho se hloeke. Moena, sebe ke ho se lumele Lentsoeng la Oona!

¹⁴¹ Ke mohale ofe ea bonang ho atamela ha Lilemo tse Sekete! Ke mohale ofe ea bonang Moea o Halalelang o moholo ona o kena ka sebopaho sa Jesu Kreste, 'mele oa Kreste ka seqo o tlāng ho boela o hapa, ema le 'na. Ema pel'a ka! Ha re phunyeng tumeloana ena ea tsamaiso ea bolumeli lesoba. Ha re keneng ka

mono! O tsetselela seno se monate se secha sa Metsi a pentekosta, pentekosta ea mantlha, e seng letomotomo la boitšoaro bo joalo, ho hlabo litlase, ho hloliea, mona. Ke bua ka kolobetso ea makhonthe ea Moea o Halalelang e boelang e hlahisa Bophelo ba Jesu Kreste ka ho motho.

¹⁴² Le ntšoarele haeba ke le utloisa bohloko. Che, se etseng joalo. Hona ke ho etsa ka Lebitso la Morena Jesu. Khutlang! Ema, uena monna oa senatla ea boneng Davida a eme mono! Jesu Kreste, molelekoa kerekeng ea Hae, ho thibelloa ka ntle ke lihlomathiso tsa bona. Se teng Seliba se hlabollang se leketlileng koana. Amen. Matla a macha ho phelisa Lentsoe lena hape a teng, e porofetiloe ho etsahala letsatsing lena. Molimo o e boletse e tla etsahala. E tlameha ho etsahala. U ke ke ua e phethisa ka lebotho leo u emeng ho lona hona joale. U ithibelletse ka hare, Pentekosta, hantle ka mathoko 'moho le mekhatlo e meng, ho e thala ho e fetola lihlomathiso.

¹⁴³ Oho lōna banna ba Molimo, Sabole eo e kae? Morena oa rōna o lakatsa metsi a macha. Ha ke tsotelle haeba e le bophelo kapa lefu, ha re hlabeng ntho ena. Ho thata haholo ho ema o le mong. Ke mema banna ba emang le 'na, ho ema le Lentsoe! Seo Lentsoe leo le se bolelang, se etse hantle ka moo Lentsoe le boletseng. Ha ke tsotelle seo ntho efe e se bolelang, lula le Lona ka tsela eo, hoba ke eona feela Ntho e tla hlabo. Ha re fihleng Bethlehema, Metsi a 'nete a Molimo.

¹⁴⁴ “E ka re ha motho a lula ho ‘Na le ‘Na ho eèna, e ka re ha le lula ho ‘Na le Mantsoe a Ka ho lōna.” Ho lula, e seng ho tlolaka ho tloha tulong se seng ho ea tulong se seng, le ho ananya litlankana tsa rōna tsa bolekane ho tsoa ho bonngoe ho ea ho bobeli le borarō, le ho khutlala ho Presbeteriene, Lutherane. “Ha le lula ho ‘Na,” ’me Ke Lentsoe, “Mantsoe a Ka a lula ho lōna! Le se tšabe makholo a robeli kapa limilione tse robeli. Ke tla ema pel’haao. Ke lakatsa seno se tsoang Mohloling oo hape.”

¹⁴⁵ Molimo o tla fumana batho ba tlang ho noa Mohloling oo! Alleluia! Le ka nkhopola ke hlanya, ’me mohlomong ke joalo, e tla ba ke hlanyetsa Jesu Kreste le Lentsoe la Hae. Haeba ke tlameha ho bitsoa sethoto, nke ke bitsoe sethoto ka baka la Lentsoe la Hae. Ha ke eso eme khahlano le banna ka har’ha mekhatlo eo. Ke khahlano le tsamaiso eo e koallang Lentsoe la Molimo ka ntle. Ha re hlabeng, lōna bahlabani. Emang le rōna. Ha re keneng Mohloling oo. Ke Eèna Bethlehema ea rōna.

¹⁴⁶ Mamena ana a khale, K’hansele ea Likereke tsa Lefatše e a hlophisa joale. Ha re khutliseng Lentsoe la Molimo le lecha, e seng tsamaiso ea bolumeli. Re se ke ra nka tumeloana, ao ke mamena a khale a putleng oona a putlame lilemo tse mashome a mane tse fetileng, lilemo tse makholo a mabeli tse fetileng, lilemo tse mashome a mararō tse fetileng, kapa e ka ba selemo se fetileng. Ke batla Lentsoe la Molimo le tšepisitsoeng kajeno.

Ke sona seno seo A batlang hobane nka se fumana, Lentsoe lena kajeno! Ke motsana Bethlehema, e a latoloa.

¹⁴⁷ Eona, kea tseba, e tšoana le hoo, u a nahana, “Be, haeba ea ka...” E, ke hantle, ba hopotse A tlameha ho hlahela Jerusalema. Ba hopotse A tlameha ho hlahela moo lihlooho tsa tsamaiso ea bolumeli ba bona e neng e leng teng. Empa A feta hoo hohle. O tlide lebitsong Bethlehema, hoba e le seo A na a le sona. Alleluia! Ha A tlele Methodise, Baptise, Presbeteriene kapa Mapentekosta. O tlela Monyaluoja, Jesu Kreste. Ke eèna eo A mo tlelang. E ka bonahala e makatsa ho uena, empa E lumele!

¹⁴⁸ Na le bona lipapiso tsena? Li ke ke tsa tla ka tsela esele haese ka Lentsoe. Ke sona qha sebaka seo A na ka hlahela ho sona, ke ka la Bethlehema eo. Lebaka leo e neng e tlameha ho ba tuloana e ithobileng eo. E ka khona ho be joalo hoseng hona, e ka khona ho be joalo ka Lentsoe la pallo. E, monghali. K’hansele ea Likereke ea Baflista e a hlophisa joale, e thibeletse Bethlehema oa rōna mathokong ohle. Mathokong a Keresemose ena, ba thibeletse hohle mono, hohle, ntho eohle e khabisitsoe ka phatsimo ea lefatše. “Oh, re tla tlisa khotso ea lefatše.” Mopapa Luther, John, lebitso la hae e ka bang lefe, o tla kōpana, le libishopo tsohle tse khōlō tsa kereke, K’hansele ea Likereke tse Köpaneng le K’hansele ea Lefatše li teana tsohle ‘moho. Ba babeli ba ka tsamaea ‘moho ba sa lumellana na? Amen!

¹⁴⁹ U ka tsamaea le ea Mong feela, ke Jesu Kreste. U ka tsamaea joang—joang le Èèna? Ha u lumellana le hore na Ke Mang, Lentsoe! U se ke ua lumella ntho eo ho u tlohela.

¹⁵⁰ Ha ke tsotelle khahlakhahla ea boipontši ba bona, “U tlameha ho etsa *sena* ho seng joalo re tla koala kereke eo u e tsamaeang.” Ha ke tsotelle seo ba se koalang, ‘me se sa amane le Lentsoe ka letho. E, monghali. U ea kae? Hantle seo Lentsoe le boletseng u ntse u se etsa, ho khutlela morao hantle, ho apara ka boipontši bohole ba lefatše, ka litsepiso tsa mefuta eohle tsa lefatše, empa e hole le Lentsoe ka milione tsa limaele. Ke eo kajeno, Keresemose hape, ho re thibela tsepiso ea Lentsoe. Empa Le tla phethahatsoa. Molimo o ka tsosetsa Abrahama bana le ka majoe ana. Ah, ho leka ho thibela ba ‘nete, baahi ba sebele ba Bethlehema Bophelo Bosafeleng, ke morero oa bona oo.

¹⁵¹ Tsohang, lōna bara le leng bahale, ha re hlabeng re khutlele Bethlehema oa rōna oa tšimolohong! Hopolang mohla Davida a fihlang teroneng ea hae. Banna bana ba mo tsehelitse hobane a tsebile, ba tsebile hoba o tla lula teroneng. Ba tseba Davida a tla hloella terone, ho sa tsotelehe ho khesoa ho hokae ha hae. E ne e le molelekua e mobe ka ho fetisa naheng. Le Lentsoe la Molimo la ‘nete le joalo, hoseng hona, Le hosele le mekhatlo. Le shebe seo ba se entseng. Taba eo e suptjoa hantle pel’ a lōna.

¹⁵² Batho ba leka ho re, “Moena Branham, o klothola kereke.” Ke klothola litsamaiso tseo. Kereke ke Jesu Kreste, e seng tsamaiso.

¹⁵³ ’Me kajeno, shebang se ba se entseng, shebang seo ba se etsang. ’Me le ka bona se ba se etsang, ba leka ho thibela batho Seo. Ba eketsa ho tinketsa Mohloli oo ho feta, ho ikholisa motho a ke ke a noa ho Sona. Empa, Oho lōna bahlabani ba Molimo, kea lumela Jesu Kreste o tla tsatsi le leng ka khanya, ke lumela A tla tla lula Terone ea Ntate oa Hae Davida. Leha E ka ba moleleko, Lentsoe la Hae hoseng hona, ho latoloa ke batho ba Hae ka Sebele joaloka Davida, mekhatlo e koaletse Lentsoe la Hae ka ntle, ho koalella ka ntle, ha Molimo o fihla ’me o nētefatsa Lentsoe la Oona le hloekileng. Le se ke la mpolella! E se e le lilemo, naha ka bophara, ’me ba suthela hojana, hole le Lona ka linako tsohle.

¹⁵⁴ Ke buile letsatsi le leng, ka Jacqueline Kennedy, lōna basali ke le khalemme khafetsa e kae ka ho kuta moriri oa lōna, ho tlola meikapo, lōna basali ba Pentekosta le kutang moriri a lōna, athe Molimo o boletse u—u—u iphetola e—e letekatse la seterata ha u etsa joalo. ’Me, ho ea ka Molimo, monna oa hao ha a na tokelo ea ho phela le uena hape. Mosali ea kutang moriri oa hae, o tlottolla hlooho ea hae, e leng monna oa hae. Ke eona hantle. Ke reng ka eona? ’Me le ntetsetsa mabapi le eona, ke fumana mangolo, “Uena mokutla oa khale.” Ho lokile, Elia ba mo bitsitse joalo le eēna. Ba bitsolotse Lentsoe lohle la Molimo, nako tsohle ha Lentsoe le phethisoa, ho Le bitsolla.

¹⁵⁵ Motho o buile tsatsi le leng, “Khele, re a lumela hobane u moporofeta.”

¹⁵⁶ Ha ke eso rialo, ha ke bue. Ha ke moporofeta ka letho, ke mohlanka oa Molimo feela mona ea lekang ho bolela ’Nete. Ke phetho. E reng ke le bolelle, Lentsoe la Molimo le a e emela! O boletse, “Barali ba Sione, lekala le tla phonyoha ka letsatsi leo lohle la tšilafalo, le tla khanya pel’ā Morena.” Le hlabe le phunye, lōna basali, e teng tulo eo le tlamehang ho e hlabal le e phunya, Hollywood ea lefatše le lipontšo tsa lishou, le nyee ena eohle ea thelebishene eo le lekang ho itšoantšisa le eona, ho apara le chachehisa nama kantle koana seterateng.

¹⁵⁷ ’Me motho o itse, “Khele, batho ba batla u ba rute mokhoa oa ho amohela Moea o Halalelang le mokhoa oa ho fumana . . .”

¹⁵⁸ U ipolelisa u na le Moea o Halalelang, u ntano latola Lentsoe? Bophelo ba hao bo paka u se na Ona. Ua bona? Joale, ha kea halefa, ke mpa ke le bolella seo ’Nete e leng sona. Ichebe u fumane. Pauluse o boletse, “E ka re ha lengeloi le tsoang Leholidōng le ruta ntho efe eseles, le rohakoe,” Bagalata 1:8. Ke hantle.

¹⁵⁹ Ho ka thoeng holane Jacqueline Kennedy . . . Ke eēna ea ralletseng basali mekuto ena ea waterhead le lintho tseo ba li

tšoereng, mese ena eohle e chachehisang nama, le mese e kang ea baimana le lintho. Mosali e mong le e mong naheng o batla ho e apara, le lōna Mapentekosta, hape. Shebang, Jacqueline Kennedy ha eso utloe Molaetsa o tšoanang le ona. Holane a O utloa, mohlomong a ka be a bakile khale koana. Empa lōna basali ba Pentekosta le a O utloa, letsatsi le chabang le le likelang, selemo se thoasang le se felang, le joale ha le etse letho ka eona! Alleluia! Molimo o tla khathala le leng la matsatsi ana! Molimo o tla khathala. Be, kea tseba le nkhopola ke hlanya. Tsoelang pele, e itoketse. Ba hopotse joalo mengoaheng eohle mohla Lentsoe . . . Ua bona?

¹⁶⁰ Oho lōna bahlabani, tsomulang Sabole eo, ha re emeleng sohle seo Sabole eo e se emelang! Ha re finyelleng Mohloling oo ho fumanoang Seliba se tletseng Mali, a montsoeng metsong ea Immanuele. E seng Mojuda. Metso ea Immanuele, Molimo o nang le rōna, baetsalibe ba inoang leqhubung leo ba lahla sekoli sohle sa molato oa bona.

¹⁶¹ “Me ’Musi ea tla tsoa Bethlehema o tla busa batho ba Ka.” Moea o Halalelang kajeno o busa batho, ’me Moea o Halalelang ke Lentsoe. Na ho joalo? Joale, ho koaleng, ka hlompho. O busa batho. Ho sa tsotellehe seo u se nahangan; u ipapise le Lentsoe. Ha u sa etsa joalo, Moea o Halalelang ha o eo mono; u paka ka bopaki ba hao, ho sa tsotellehe seo u se buang. U ka qhomela holimo-le-ttlase, ho bua ka liteme, ua thala hohle holim’ a mokato, u ntse u pomme moriri ’me u etsa lintho tseo u li etsang; e paka khahlano le uena, hore ha ho joalo.

¹⁶² Lōna baahi ba Bethlehema, Molimo o le hlohonolofatse, ha re phunyeletseng! Kreste o batla Kereke ea makhonthe. O batla Monyaluo. Ha re hlabeng re hleke tsela ea rōna. Tsoang mona, le falatse lihlomathiso tsena, hore banoi ba ’nete ba tle ba khutle ba noe kannete, Metsi a mapholi a pentekosta a kileng a phorosela Mohloling o moholo ona. A sa ntse a phalla. Na u ke ke ua tla kajeno ua lumela hoo ka pelō eohle ea hao, re sa inamisa lihlooho tsa rōna nakoana feela.

¹⁶³ Mona ke tšoanetse ke be ke buile lintho tse ngata. Nako e ke ke ea lumela, hona joale ke hora ea leshome le motso o mong. Kea ipotsa na bahlabani ba ba kae ka mona, lōna bareri, Methodise, Baptise, Presbeteriene, moprista oa Katolike, sohle seo u ka bang sona, na u kholisehile? Kea tseba ha ke leloko la tšebeletso ea bolisa. Mohlolong ke tsoile nahathote, ka nthoana *ena* e likoto, *sane* le se *seng*, empa Lena ke Lentsoe. ‘Me ke Le lumela le le joalo, ’me ke Le lumela e le Lentsoe, eo ke Bethlehema. Jesu o boletse, “Motho a ke ke a phela ke bohobe feela; Lentsoe le leng le le leng le tsoang molomong oa Molimo.” ‘Me Lentsoe le teng mona, Bibebe. Motho o tla phela ka Hoo, ’me Ke eèna Lentsoe leo.

¹⁶⁴ Oho uena mohlabani, na u tla tsomula Sabole ea Molimo le ho re, “Ke qetile ka meetlo ena, ke khutlela Lentsoeng, ke

khutlela 'Neteng'? Basali, banna! Basali, na ha le itšoabele, ka moo e sa le le itšoere? Na le ikemiselitse hoseng hona, Keresemose ena, ho khutla le ho halimisa Jesu Kreste oa mannete?

¹⁶⁵ Joale ka lihlooho tsa lōna tse inamisitsoeng le leihlo ka leng le koetsoe, na u ka phahamisa letsoho la hao, le ho re, "Rapela, Moena Branham. Ruri ke batla ho etsa hoo pelōng ea ka. Ke joalo, kea e lumela"? Molimo a u hlohonolofatse. Khеле, bareri, basali, hohle!

¹⁶⁶ Koana Bethlehema, Bethlehema, setša sa Bohobe le Metsi a Molimo, Kreste Bethlehema oa rōna ea khanyang. Re kena joang ka ho Èèna? Bakorinthe ba Pele 15, "Ka Moea o le mong re kolobeletsoa bohle 'Meleng oa Jesu Kreste oa sephiri."

¹⁶⁷ Re ja Lentsoe la Hae, le letho le sele, Lijo tsa linku feela! Lentsoe leo! Le letho le sele. U ke ke ua sunya tumeloana ho Lona, re ke ke ra e mamela. Che, monghali. U a tloha u re, "Khele, e ka mokhoa *ona*." Haeba Bibele e tlaleha e le ka tsela Ena, re E batla ka tsela Ena. Ha re E batle e nyanyalitsoe. Re E batla ka moo E leng kateng feela.

¹⁶⁸ Oho Molimo, Ntata rōna, kajeno lipelō tse lapileng li sa le teng lefatšeng. Hobaneng motsana Bethlehema. Ka tsela ea ka e fokolang e sa rutehang, Morena, ke lekile ho lumella sehlotšoana sena . . . se nthatang, kea tseba ba joalo, Morena. Le 'na kea ba rata. 'Me ke ba rata hakana, Morena, ebile ke—ke a ba bourella. Ha ke batle ho ba bona ba its oakile le linthohali tsena, le ho khaoloa nako e se e fetile, le ho bona meeaa eo e futsanehileng koana teronkong, le ho tseba monyetla o kile oa hlaha ka mohla o mong.

¹⁶⁹ Morena Molimo, kajeno, ho sa tsotelehe seo boJerusalema bong ba baholo ba se nahang, le seo boGileade le Ramothe-Gileade le eng hape, boShilo, le litša tse khōlō tsa ho rapela, hohle moo li leng teng. Bethlehema e teng. "Na ha u monyenyan har'a bona kaofela? Empa ho uena!" Ka ntłe hole le Methodise, Baptise, Presbeteriene; Katolike, motse o moholo oa moreneng; le boRamothe-Gileade, moo Luther a loanneng teng; le—le bona—bona boShilo, moo mohlomong ho loanneng Wesley; le—le litša tse ling tse ngata. Empa, Morena, Morena, U hlahisitse sehlopha sa Pentekosta, 'me haeba ba sa hlanoha ba etsa ntho e tšoanang!

¹⁷⁰ Jesu oa Nazaretha, kea U rapela, Morena, ho lumella bahlabani, ho tsoa ho tse ling tsa litumeloana tsena morao mono, ho tsoha ka Lebitso la Hao, ho khaola litumeloana tsena tsohle le ho khutlela 'neteng, Lentsoeng le sa silafatšoang, ho lahla boima bo bong le bo bo ba tšoasang feela, ho senya hora e 'ngoe le e 'ngoe hohle ka bothoto ka ho leka ho qhotsa litho tsa mokhatlo. Morena Molimo, ba ke ba khutle ba sokollele meeaa ho Jesu Kreste; e seng ho tlotsisa mokhatlo ofe kapa batho bafe, empa Jesu Kreste, Èèna a inotši.

¹⁷¹ Banna bao ba ne ba loanela Davida. Banna bao ba behile maphelo a bona kotsing ka baka la Davida. 'Me linatla tse sebete tseo tsa bahlabani, ba sa tšabeng letho, ba hlekile tsela ea bona mono, hobane e ne e le takatso ea hae. Takatso ea hae e le ho noa metsi a seliba seo.

¹⁷² Morena Molimo, mohlomong ha rea utloa hoo, khulo eo feela, empa, sheba, takatso ea Hao ke hore lintho tsena li etsoe. Joaloka ha U boleletse Johanne, "Re lōketse ke hona, kapa eka khona rōna, re phethe ho lōketseng hohle."

¹⁷³ Re lōketse ke hona, rōna bareri ba kajeno, re hlokomele hoba Lentsoe lena le boleloe, ho bona hore hoo ho etsoe. Re lōketse ke hona, monna oa hora ena eo re phelang ho eona. Banna ba baholo lefatšeng kajeno, Oho Molimo, ba teng kantle mane, ba ke ba bone taba eo 'me ba phamole Sabole! Ho sa tsoetelehe phepetso, ha Molimo o eme le lōna, ke mang ea ka emang khahlano le lōna? Ha re tsotelle, ho beha setsoalle sa rōna le batho kotsing. Ha re tsotelle, ho beha *sena, sane*, kapa se *seng* kotsing. Re batla ho khutlisa Metsi a Bophelo!

¹⁷⁴ Re ee Bethlehem, Morena, lumella e mong le e mong oa bona. E re basali bana bohle, hoo, ruri, haeba ba phahamisitse letsoho la bona, ba itšabetse. Ba lemohe hobane ka tsatsi le leng banna bana ba tla itšanelia le Mongh. Kennedy. Ba tla—ba tla tšoana le banna ba bang bohle, ba tlameha ho shoa. Basali bana ba shoa. Ke a shoa. Bohle re a tuka mona holim'a lefatše, le ho tseba hobane ke nako e khutšoane feela, re saletsoe ke matsatsi a 'maloa feela. 'Me, Molimo, sebakeng sa ho leka ho haha litsamaiso tse khōlō, Morena, e re banna le basali ba bone hoseng hona hore ke ho khutla ha Khosi.

¹⁷⁵ Oho Molimo, ho khutla ha Khosi e khōlō eo, Jesu! 'Me e... 'Me re a lemoha, Molimo, e mong le e mong oa banna bao ba tsomutseng sabole eo 'me ba loanela Davida mohla e leng molelekua, mohla a na lula boholong, o ba behile babusisi ba metse. E mong le e mong oa bona a fuoa metse. 'Me U tsepisitse seo Bibeleng, ha thoe re tla rua metse. Oho Molimo, joaloka Balichaba, ea eba majalefa ka Balichaba, re tle re be bankakabelo ba khalalelo ea Hae le ho lōka ha Hae! Re lumelle kajeno, Morena, joaloka banna ba bahlabani, ho nka Lentsoe leo, ho tseba seo, bao ba Mo emelang horen ena, ba tla busa metse. Ha se hobane re batla ho busa, empa re batla ho ba basebeletsi ba Hao, Morena. Oho Molimo, re bona pono ea ba 'maloa bana, sehlotšoana sena, sena se bitsoang "bohlanya" ka... Pauluse o boletse letsatsing la hae, "Ka mokhoa o reiloeng 'bothoto,'" bohlanya. Ke hona moo ke batlang ho loana, Morena. Lentsoe la Hao ke 'Nete! 'Me Uena u Lentsoe, eèna maobane, kajeno, le ka mehla.

¹⁷⁶ Oho Molimo, re tlotse ka Lentsoe la Hao, le ho etsahatsa Lentsoe la pallo ea Hao ea letsatsi lena. Re tlohe moahong

ona hoseng hona re le lisebelisoa tsa Molimo tse phatsimang. Re ke re tsoe ka Sabole, E k'hat simang sebakeng, ho khaola boima bofe le ntho efe e sele, ho fihlela re ka busetsa batho ho Kreste, le ho tlisetra Morena oa rōna seno se mapholi se secha, sebakeng sa litumeloana tsena tsohle tsa khale tse putileng. Batho ba noe Selibeng, Lehlohonolo la 'nete, le pholileng, le hlabollang la Pentekosta, le ka khahlisang pelō ea Hae le ho Mo khutlisetsa har'a rōna hape. Aba sena, Morena. Ka Lebitso la Jesu, kea rapela.

¹⁷⁷ Re sa inamisitse lihloooho tsa rōna, haeba seletsi sa piano kapa sa ogono, e ka bang eng, sa ea ogonong, pianong, ke batla re binele sena tlase, "Se teng seliba sa mali, a montsoeng metsong ea Immanuele; ba'libe ba qoelang leqhubung leo..." Moetsalibe, moetsalibe ke'ng? Mosalumele. "Baetsalibe ba qoelisoang." Ho se lumele ho eng? Lentsoe. Oh, Bajuda bao ha ba batla ho lumela hoba e ne e le baetsalibe, ba hopotse ba bolokehile, empa Molimo o ba tsebile ba hloka Mopholosi. Ba ne ba rapella mohlabani, Molimo o ba file Lesea, Moloki. A tseba seo ba se hlokang. Eo ke Mpho ea bona ea Keresemose. Ke sona seo le se hlokang kajeno, ke seo ke se hlokang kajeno, Mopholosi ho se lumeleng ha ka, Mopholosi ho se lumeleng ha hao. Re sa bina, ha re e rapelleng joale lipelōng tsa rōna. Rapela ka botšephei feela, hle, uena kereke.

Se teng seliba sa mali,
A montsoe metsong ea Immanuele,
Ba'libe (bomosalumele) ba qoelang (e seng
setho sa kereke, joale) tlas'a e... (litho tsa
kereke li qoela teng)
Ba lahla 'koli eohle ea molato.
Ba lahla 'koli eohle ea molato,
Ba lahla 'koli eohle ea molato;
'Me mo'libe...

¹⁷⁸ Morena Jesu, joale ke U rapela ho re amohela. Ke itlhahisa hantle mona 'moho le sehlopha sena, Morena. Tlosa ho se lumele hohle ha ka, Morena, bo lahlele hole le 'na. Nke ke shoe, Morena, joaloka Samsone ha a mikelitse, a ke shoe le Baflista bana. Ke etse sohle seo nka tšoanelang ho se etsa, empa, Molimo, hloekisa soule ea ka. Tlosa pelaelo eohle. Ha ntho eo ke sa e lumeleng e le teng Lentsoeng lena, Morena, 'me haeba—haeba ntho eo U sa e tšepisang e le teng mona, ke sa bone bophelo ba ka bo nètfatsa Lentsoe la letsatsi lena, ka hona, Morena, ntšoarele. Ntšoarele, Morena.

¹⁷⁹ Mphe sebete. Oho Morena, ke hloka sebete ho khethulaka ntho ena, ho phunya lerako lena, hoba kea tseba ke takatso ea Hao. U e buile, e tlameha ho etsahala letsatsing lena, "Joaloka matsatsing Sodoma, ho tla ba joalo ho tleng a Mora motho." Re bona motsamao ona oa ho qetela, pontšo ena ea ho qetela e filoeng kereke. E ne e le pontšo ea ho qetela eo peō ea tlhaho ea

Abrahama e boneng pele mollo o chesa lefatše la Balichaba. 'Me ka ho tšoana ke pontšo ea ho qetela eo Peō ea Hae ea borena e tlang ho e bona pele mollo o chesa lefatše la Balichaba. Uena... Morena, ba bone hore ke ka lebaka leo Jesu a na a tlameha ho tsoalloa Bethlehem. Ke Lentsoe la Hao. Ke tsepiso ea Hao. Ba hlohonolofatse joale, Ntate. Ke ba nehela Uena, joaloka likhau. 'Me rōna, 'moho, Morena, re tsomule Lentsoe kajeno, re hoante re tsoe ka Lebitso la Jesu. Amen.

¹⁸⁰ Molimo a le hlohonolofatse. Na le rata Morena Jesu? Na lea lumela hoo ke 'Nete? Phahamisang matsoho a lōna haeba le lumela e le 'Nete. Kea leboha, metsoalle. Shebang, ke a... Kea khlooa teipi e koetsoe. Ua bona, ha ke bua mona, ha ke bue le lōna feela. Teipi eo e pota le lefatše, 'me banna le basali lefatše ka bophara ba utloa Seo. Re ea sechaba ka morao ho sechaba ka morao ho sechaba, ba mpa feela, ba lula mono feela ba suntse lichupunyana litsebeng tsa bona le-le ho borella makholo le makholo a batho ho potoloha lefatše taba Eo.

¹⁸¹ Le ho tseba, ha se... Joale, lōna basali, ha ke batle ho utloisa maikutlo a lōna bohloko ha ke le borella lintho tseo. Empa ha molisa oa hao a sa u boelle taba Eo, phoso e teng ka eēna. Ha a na—a na sebete sa ho e etsa. O ipatilé ka morao ho mokhatlo. Kapa o tšoana le Lota, ea lutseng fatše, pele mollo o theoha, a—a se na sefutho sa makoma—sa makoma ho ema ka ntle mane. A... Bibele e boletse ho itsoe, "Libe tsa Sodoma li ne li sotla moea oa hae o lokileng letsatsi ka leng." Moea oa hae o tsebile hantle ho feta, empa a se na sehlahlo sa makoma se batlehang ho ema ka ntle mane le ho e khalema. 'Me molisa ea sa bolelleng mosali phoso ea ho kuta moriri oa hae, phoso e teng ka monna eo, le ho apara liaparo tsena.

¹⁸² 'Me lōna banna, lōna banna le lumellang basali ba lōna ho etsa nyee e joalo, molato ke'ng ka lōna? Molato ke'ng ka lōna? Ho qhoba mosali oa hao har'a toropo e ka seotsoa se theko e tlase, 'me o jabela molomo oa monna ea ka mo bitsollang. Ke uena ea hlokang ho jabeloa molomo. Ke hantle, 'me Molimo o tla e etsa tsatsi le leng, le hona. Ke hantle. Re hloka ho khutlela Lentsoeng lena.

¹⁸³ Ha seo hoo feela, ke nthoana feela, e nyenyane. Empa le tla fuoa lintho tse khōlō joang athe le hana tse nyenyane? Le ka ithuta lipalo tse thata athe ha u tsebe ABC? Ha u khone ho bala ho fihla ho leshome, u tla tseba lipalo tsa hao joang? U tlameha ho qala tlase. U leka ho qala holimō, theohela tlase mona 'me u qale hantle.

¹⁸⁴ Ena ke nako ea ho e phethisa, joale, Keresemose. E ne le tsoalo ea Kreste, ho lumella Kreste ho tsoaloa ka ho rōna. Kreste ke'ng? Kreste ke Lentsoe. Ba tsebang seo ba ba kae? "Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo."

¹⁸⁵ Motha o buile tsatsi le leng, ho re, “Moena Branham, uena, batho ba u tseba u le mohloea-mosali.” Ha ke joalo. Ha ke joalo. Ke rata likhaiseli tsa ka ka lerato le hloekileng. Monna ea itseng o tla hetla, a hopola u shebeha hantle ka mahlo a mafubelu le ka mahlo a mata, le ka moriri o ponngoeng, mohopolo oa monna eo ha o tšoane le oa ka. Ea hao... Ke rata soule eo e leng ka ho uena, e tlamehang ho kōpana le Molimo. Ke sona seo ke... khaiseli ea ka koana Bosafeleng, e seng nthoana e itseng ea thobalano mona holim’ a lefatše e tla...

¹⁸⁶ Ba ba kae ba balileng bobolu, ho putlama ha Roma? Ehlide. Shebang mono, eona ntho eo re e etsang hantle, ho khabisa bong. Maemo ao bacha ba leng ho ona, hantle feela ka moo re e fumanang hona joale, mathata a merabe. ‘Me bacha ba hapaka, le monna le thobalano. Hantle kamoo Bobusisi ba Roma bo khehlemaneng kateng, lilemo tse makholo a leshome le metso e robeli tse fetileng, ‘me ke ena e boetse har’ a Balichaba hantle. Ua bona? Pherekano mahareng marapeli le lintho. Oh, ke hora e kakang eo re phelang ho eona!

¹⁸⁷ [Khaihseli o hlahisa molaetsa. Sekheo lebanteng-Mohl.] Amen. Morena Molimo o buile. Ke lumela seo.

¹⁸⁸ Joale ha re emeng. Ha A bua, ke nako ea ho apara tšabo. [Motho o buisana le Moena Branham—Mohl.] Ho thoeng?

Ka mohau oa Molimo, le ka thuso ea Molimo, ke ikemiselitse ho feta pele, ho tiisetra Lentsoe lena le ho leka ka bokhoni ba ka bo khabane, ka thuso ea Molimo, ho hleka tsela e theohelang Bethlehema hape, moo baahi ba Bethlehema ba ka noang Selibeng seo. Ba ba kae ba tla ikōpanya le ’na, le phahamisitse matsoho a lōna, ho re, “Ke tsepisa Molimo ke tla e phethisa”? Molimo a le hlohonofatse.

¹⁸⁹ Joale inamisang lihlooho tsa lōna nakoana feela, ‘me kea kholoa moena e mong mona, Moena Jeffries, tloo koano. O tla qhala letsoele re sa inamisa lihlooho tsa rōna thapeleng, kea u kōpa. Ho lokile, moena.



HOBANENG MOTSANA BETHLEHEMA SST63-1214
(Why Little Bethlehem)

Molaetsa ona ka Moena William Marrion Branham, o reriloe sethatong ka Senyesemane, Moqebelo hoseng, Tšitoe 14, 1963, borakefeseng ba Seboka sa Bolekane ba Machaba ba Borakhoebo Ba Evangelie Tletseng, Ramada Inn, mane Phoenix, Arizona, U.S.A. o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org